



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

October.

urn:nbn:de:hbz:466:1-38397

ten. 2. & Surius, tom. 5. hac die. De eodem agunt Polydorus in histo. Anglorum, lib. 4. & Trutt. de uir. ill. ord. S. Ben. lib. 3. c. 62. & libr. 4. c. 54. Fuit ex Monacho S. Andreae Romae, & discipulo S. Gregorij Papa, quintus illius sedis Archiepiscopus; & migravit ex hac uita an. 654.

Transl. Othonis Episc. De eadem, Molanus in Add. ad Vsuardum, Galestinus, & Trutt. de uir. ill. ord. S. Ben. lib. 3. c. 330. hac die. Facta referuntur ab Andrea Abb. Bâbergense, apud Surius, To. 4. die 2. Iulij, an. 1189. qui solennitatem eius festiuius recolit à fidelibus, hac ead. die testatur.

OCTOBER.

CALENDIS OCTOBRI.

SEBASTIAE, Sanctorum martyrum, Michaelis, & 36. Monachorum, qui Saracenorum Regis suasu, atque cruciatuum terroribus, à Christianae fidei cultu diuelli cum non potuissent, ad omnia pro Christi gloria fortiter perferenda confirmati, datis gaudenti animo ceruicibus, martyrij coronâ consecuti, euolarunt ad Dominum. Condato, S. Vualnuphi, ex Epō, Monachi, & confessi. Ciuitate Treuiris, S. Nicetij Episcopi, totius sanctitatis uiri, qui ab ipso ortus sui tempore mirabiliter clericus designatus est. In portu Ganda, depositio S. Bauonis confessi. Hic primo miles, abiecta militia ad cœlestē disciplinam à S. Amando Tungrorum Episc. institutus, pecuniam, & opes pauperibus, piisque operibus in elemosinā contulit, ac Monasterium in primis construxit, ubi aliquot annis uitam sanctissimam ducens, miraculis clarus migravit ad Dominum. Ipso die Dedicatio & consecratio Ecclesiæ Patriarchalis Sanctiss. P. N. Bened. in sacro monte Casino, ab Alex. Papa II. In cœnobio Prumiensi, depositio S. Lotharij Monachi, & confessoris, Romanorum quondam Imperatoris.

OCTOBRI I.

Michaelis, & sociorum] De iisdem Galestinus ex Græcorum monumentis, hac die. Ratione superius pluribus in locis allegata hic appositi. Vualnuphi] De quo Mola. in Add. ad Vsuardum, & in ind. SS. Belgij, hac die. Erat natione Scotorum, vitāq. Monasticā duxit primū apud Monachos S. Gislei, ex quo secedēs Angelico ductu ad Monast. S. Mariae Condati peruenit, & ibi usq. ad obitū suum Domino militauit. Floruit an. 640. Nicetij Episcopi] De eodem Vsuardus, Maurolycus, & Felici, hac die. Vitam eius adfert Surius, To. 5. ex cap. 17. Gregorij Tur. de uita patrū. qui & cap. 94. de gloria confessorū eiusdem meminit. Petrus in Catalogo, lib. 11. cap. ultimo, eundem, nonis Decembris reponit. Agit de eodem Petrus

trus Cratepolius de Episcopis Germaniæ. Creatus est ex monacho & Abb. S. Maximini Treverensis, eiusdem civitatis episcopus, & moriens in ead. Monasterio sepultus est, circa annum Domini 570. vel paulo amplius.

Bauonis) De quo Mart. Rom. cum Baronio; Vsuarius, Ado, Galfridus, Beda, Maurolycus quoque & Felici, qui corruptè Pauonem legunt, hac die. Theodoricus Abbas S. Trudonis vitam eius conscripsit, quam refert Surius Tom. 5. hac die. Agunt de eodem Petrus in catalogo lib. 9. cap. 10. Vincentius in Speculo lib. 23. c. 6. & 7. & Tritem. de vir. ill. ord. 2. Ben. lib. 3. c. 63. Pater eius fuit Agilulphus Hasbaniæ Comes; nomen eius erat Allouinus, cognomē Bauo, ut refert Molan. in ind. SS. Belgij, qui emigrasse ex hac uita an. 631. at Sigebertus in chron. & Meyerus li. 1. de nal. Flan. an. 630. decessisse scribunt. Eius & meminit Petrus Cratep. de episcopis Germaniæ. Quiescit Gandavi in ecclesia SS. Bauonis, & Ioan. Bapt.

Dedicatio & consecratio &c.) Tabulæ Casinenses de iisdem agunt, hac die. Tota autem dedicationis & consecrationis huius historia, qua D. N. Alexandro Papa Secundo facta est, Archiepiscopis tredecim, Episcopis quadraginta tribus, magnaque Principum & Potentatum ceteris, presentibus, describitur à Leone Ostiense in chron. Casinensi lib. 3. c. 29. Agit de eadem dedicatione, idem Alexander Papa in privilegio suo, de reuelatione corporis beatissimi P. N. Benedicti, quod primum est inter alia privilegia, quæ excusa leguntur post finem Chronici Casinensis.

Lotharii Monachi) Hac die obiisse rectè annotat Franciscus de Rose res. to. 3. stem. Lothar. fol. 168. Alius. n. dies ab historicis notatus, natus, 29. Septemb. ann. 855. non mortis temporalis est, sed Imperij: eo. n. die anno rebus mūdānis se abdicans, Imperio mortuus dicitur. sanctitatis eius insigne fert testimoniū, Primus Cabilonensis Episcopus, in topographia SS. his uerbis: Herbipolis, siue Arctāunum ciuitas magnæ Germaniæ. Hic Lotarius Imp. qui renūciauit imperio, fundans cœnobium, octo annos solitarius uixit, & ad Christum confessor migravit. Hac P. mus. Migravit anno monachatus octauo, Christi 863.

SEXTO NONAS OCTOBRIS.

IN territorio Atrebatensi, uilla Siricinio, passio S. Leodegarii Augustodunen. Epi, quem uariis iniuriis, & diuersis suppliciis, afflicto. Ebroinus maior domus regiæ, interfecit. Constantinopoli, S. Theophili Monachi, qui cum Leonem Isauricum aduersus factas impio- nes edicta promulgantem coram argueret, iussus est leuissimè carceri & diu in carcere detineri; demum in exilium pulsus, multis ætatis ac laboribus confectus, migravit ad Dominum. Andaino Monacho natalis S. Beregisi Abbatis admirandæ sanctitatis.

Octo

[Eodegarii] De eodem Martyr. Rom. cum Baronio, Beda, Vsuardus, Ado, Galestinus, Maurolycus, & Felici, hac die. Vrsinus ad Anfualtum Episcopum Pictaviensem, vitam eius conscripsit, quam habet Surius, Tomo 5. hac die. Alius quidam inssu Erminarij Augustodunensis Episcopi, secundi post Leodegarium, eandem descripsit, quæ extat MS. Agunt de eodem Vincentius in Speculo, lib. 23. c. 123. 124. & 125. Petrus in Catalogo, lib. 9. cap. 13. Mombritius, T. 6. 1. Claudius de Rota in Legendario, cap. 143. Tritemius de vir. ill. Ord. S. Ben. lib. 3. c. 135. & lib. 4. cap. 173. Molanus in Indic. SS. Belgij. S. Antoninus in Sum. Hist. part. 2. & alij. Ex Abbate S. Maxentij Pictaviensis, factus est Episcopus 28. Augustodunensis, ut annotat Franciscus Belforestius in Cosmographia sua in descriptione illius civitatis. Passus est ann. 685. ut scribit Siebertus in Chronico.

Theophili Monachi] De quo Mart. Rom. cū Baronio, & Galestinus, ex Menologio Græcorum, hac die, Vixit sub Leone Isaurico Imperatore circa annos Dom. 720. & cum multo ante illa tempora Regula S. P. N. Beati illius in partibus observari sit solita, potuit forte & iste sub eiusdem magisterio militasse.

Beregiti Abbatis] De eo & Molanus in addit. ad Vsuardum, & in indiculo Sanctorum Belgij latius, hac die. Monachus primum extitit in cœnobio S. Trudonis, deinde Pipino Duce, & Pletrude eius uxore procurantibus, extruxit Monasterium Andainum, a continguo fonte Andaina, in Sylva Arduenna, ubi primus Abbas presuit anno circiter 680.

QVINTO NONAS OCTOBRI.

A Pud antiquos Saxones, passio, & translatio Sanctorum martyrum duorum Euualdorum, qui cum essent Presbyteri, & Monachi, & Christum prædicare ibi cœpissent, comprehensi sunt à Paganis & occisi: ad quorum corpora noctu, multa diu lux apparens, & ubi essent, & cuius essent meriti declaravit. Quorum corpora successu temporis Coloniam translata sunt, & in Ecclesia Sancti Cuniberti digno honore recondita. In Hispania, depositio Sancti Froilani Legionensis Episcopi, & confessoris, doctrina, & sanctitate cōspicui. In Bronio Monast. natale, & trāsl. S. Gerardi Abbatis, qui post militiam temporalē Christi tirocinio mancipatus, huius Monasterij extitit fundator deuotus, iussione BB. Apostolorum Petri, & Pauli. Hic postea auctore Christo fuit pater, & Abbas 18. cœnobiorum.

OCTOBRI 3.

A Pud antiquos Saxones] Hi sunt Vuestphali, qui Rheno flumine separantur à Ducatu Gheldria, & Cluiæ.

Duorum Euualdorum] De iisdem Mart. Rom. cum Baronio, Beda, Vsuarius, Ado, Galestinus, Maurolycus, Felici, & alii, hac die. Passiones eorum scripsit Beda in Hist. Angl. lib. 5. c. 11. hanc adfert Surius, Tom. 5. hac die. De his item agunt Petrus in Catalogo, libr. 9. c. 15. à quo Euualdi uocantur. Molanus in Indic. SS. Belgii. Cratopolis de Episcopis Germanie, & alii. Ambo in Monasterio Ripensi, in Anglia, uitam duxerunt Monasticam, horum unus Euualdus cognomento Niger, de quo Trithemius illust. Ord. S. Ben. lib. 3. c. 139. alter Euualdus Albus, dicebatur, de quo Trithemius ibidem c. 140. De iisdem egimus & nos alibi, in explicatione scilicet tertii huius Arboris rami. Cauendus est grauis ille error, qui apud Galestinum, Maurolycum, & Felici, reperitur de S. Vuillibrordo Episcopo, qui scilicet passionis duorum Euualdorum adscribitur, Vuillibrordus enim, ut ad diem 7. Nouemb. annotabimus, in pace obdormiuit, nec à quoquam palma martyrii coronatus scribitur.

Coloniam translata sunt] Hac translatio, hac eadem die facta narrantur à Surio, per D. Annonem, huius nominis, secundum, anno 1074 Cratopolis uero anno circiter 700. per Annonem primum factam refert: sed decipitur in equiuoco. Passi sunt anno 693.

Froilani] Huius natalis hac die annotatur ab Alphonso de Villegas in flore Sanctorum Hispanie, qui eius uitam adfert. Eandem describunt Ambrosius de Morales in Chron. Hisp. lib. 15. cap. 7. Franciscus Tarapha de Regib. Hisp. in Alphonso II. Rege, qui Froillanum legit, & hac die obitus testatur. Lucius Marinus Siculus, de rebus Hisp. lib. 5. non longe à principio. Ex Monacho, & Abbate de Moreruela propè Zamoram, creatus est Episcopus Legionensis quartus, & migravit à seculo etatis ann. 73. regiminis 5. Christ. 825. ut uult Villegas; siue ut Moratio placet an. 871.

Natale S. Gerardi] De eodem Mart. Rom. cum Baronio, Molanus addit. ad Vsuarium, & Galestinus, hac die. Vitam eius à quodam dñi Monacho ad Guntherum Abbatem Broniensem descriptam, adfert Surius, To. 5. hac die. Eandem composuerunt Odo Abbas Cluniacensis, iuxta fert Trithemius lib. de Script. Ecclesiasticis, & Gregorius Terracensis Episcopus, ut scribit Petrus Diaconus de uir. ill. montis Casini, c. 32. Arbitratur Baronius eam esse, quam adfert Surius, hac die. De eo item agunt Trithemius uir. ill. Ord. S. Ben. lib. 3. c. 270. à quo Gerhardus appellatur, Abbas Bremensis, b, & n, ac i, litteris, in p, & m, commutatis. Molanus in Indic. SS. Belgii, & Meyerus, lib. 2. Annal. Flad. Ex Monacho S. Dionysii Parisios, factus est fundator & Abb. primus Bronii in comitatu Namnetensi (quod Monasterium à suo noīe nunc S. Gerardus uocatur) & reformator oīum ferè cænob. Flandriæ; obiit ann. 958. Bronii, ubi & sepultus. Translat.

Translatio S. Gerardi] *De eadem idem Molanus, loco citato. Facta est hęc translatio, an. 1113. ut refert idem Molanus in Ind. SS. Belgii.*

QUARTO NONAS OCTOBRIS.

Messana in Sicilia, passio S. Donati, Monachi & martyris, discipuli S. P. N. Ben. Abbatis, qui captus à Saracenis, cum Christum negare noller, gladio percussus est. Ciuitate Parisijs, S. Aureæ uirginis, & Abbatissæ, trecentarum sanctimonialium matris, cuius corpus requiescit in Ecclesia S. Eligij propè palatium Parisijs.

OCTOBRIS 4.

Donati Monachi] *De eodem Mart. Rom. anno 1583. excusum, hac die. Vita eius partim describitur à Gordiano Monacho in uita S. Placidi, & partim à Tritt. de uir. ill. ord. S. Ben. lib. 3. c. 6. Passus est an. 541. nūcūte adhuc P. N. S. Ben. pridie quam S. Placidus pateretur.*

Aureæ uirginis] *De eadem Mar. Ro. cum Baronio; Vsuarius, Galestinus, Maurolycus, & Felici, hac die. Precedenti uerò Ado. Eius meminere S. Andoennus in uita S. Eligij, lib. 1. c. 17. & lib. 2. c. 53. Vincent. in Spec. lib. 23. c. 69. 70. & 71. qui eius Elevationem hac ipsa die factam postea affirmat. Petrus in Catalogo, lib. 9. c. 23. & Tritt. de uir. ill. ord. S. Ben. li. 3. c. 85. Claruit temporibus Dagoberti Regis in Gallia, circa ann. 630.*

TERTIO NONAS OCTOBRIS.

Messana in Sicilia, SS. Martyrū Placidi, Faustini, Firmati, & aliorum triginta Monachorum, qui à Manucha pirata, pro fide Christi necati sunt. Romę S. Gallæ uiduæ, filiæ Symmachi Patricij, quæ uiro suo defuncto apud Ecclesiam S. Petri multis annis, orationi, elemosynis, alijsq; sanctis operibus intenta, uocante eam B. Apostolo ad cœlestia regna migravit. Zamorę in Hispania S. Atilani Episcopi, quem sanctę factorum, uitæq; diuinitus aetę laude clarum, Urbanus I. Pontifex Max. in Sanctorum numero adscripsit. In cœnobio Cluniacensi, depositio S. Aymardi Abbatis, sanctitate, & miraculorum gloria celebris. Budicæ, Monasterio Diœcesis Paderbornensis, S. Meinulphi, Diaconi & cōfess. Traiecti in Hollandia, depositio S. Rixfridi Episcopi, & cōfess. doctrina, & pietatis operibus clari.

OCTOBRIS 5.

Placidi & sociorum] *De quibus Mart. Ro. cum Baronio: Beda, Vsuarius, Ado, Galestinus, Maurolycus, Felici, & alij, hac die. Passionem eorum scripsit Imp. Iustiniano iubente, duplici stylo, Græco uidelicet & Latino, Gordianus Monachus: Latinā adserunt Lippomanus, To. 4. & Surianus, To. 5. hac die. Græca uerò in Latinum conuersa, extat MS. in cœnobio monis Casini tali exordio. In claro & renitenti triumpho: quæ est apud*

Surium, To. 7. secundo loco eam composuit D. Stephanus Anticiensis Episcopus, quam uidi MS. ibidem sic incipientē, Sub S. Spiritus disciplina. Tenuit idem repperi sub noīe Petri Diaconi, quam se composuisse idem Petrus laetetur in Chron. Casin. lib. 4. c. 68. quæ sic incipiebat: Gymnosophistatimos. Habetur & alia eiusdem in lib. de Sanctis mont. Casini. c. 9. Cæpiti idem Petrus Sermones 14. de S. Placido, quorū primus sic incipit, Beatus igitur Placidus. D. Theodinus Monachus in eiusdem martyris solennitate, alios duos sermones ad fratres habuit, & primi quidem initium est, Hodierni diei; alterius uerò, Præsentis festi memoria; qui omnes reperiuntur MS. in bibliotheca Casinensi, & in libello quodam Camera R. P. Abbatibus deputato. In eadem libraria pulpito septimo, reperiuntur nonnulli versus Heroici de eodem Sancto, qui ex inscriptione uidentur esse S. Petri Desimiani Hostiensis Episcopi. Decantatur & horum martyrium in tribus subsequentibus Hymnis, qui reperiuntur MS. in cænobio S. Zenonis Veronensi, in quodam Breuiario in membranis, ex quo eosdem desumpsi.

IN FESTO PLACIDI, ET SOCIORVM EIVS, AD VESPERAS HYMNVS.

P laude turba Monachorum,	Magnos habes aduocatos,
De triumpho sociorum,	Super Cælos exaltatos,
Quos coronat Rex cælorum,	Summo Regi semper gratos,
Inter choros Angelorum.	ad rogandum prepatos.
Laude satis non tacere,	Quorum meritis saluari,
Cernens tuos præualere,	Poscimus, & illustrari,
Et in mensa confedere,	Super niuem dealbari,
Cum cæteris tyronibus.	Et in cælis collocari.
Qui pro Christo cruentati,	Regi Sanctorum omnium,
Et de pugna laureati,	Sit laus per cuncta sæcula,
Velut Reges purpurati,	Qui istos per martyrium,
Et in thronis collocati.	Magnos fecit in gloria. Amen.

AD NOCTURNOS, HYMNVS.

O vantes Christi martyres,	Cum agno melos canitis,
Gesta miranda canimus,	Super montes aromatum.
Quorum tormenta corporū,	Nos quoque tibi psallimus,
Dira fuisse cernimus.	Ignosce delinquentibus,
Genis quoque rubentibus,	Hostis confractis uiribus,
Vestro cruore roseo,	Nosque redde cælestibus.
Fulgentibus, candentibus,	Deo Deorum omnium,
Omni decore niueo.	Salus honor & gloria,
Hos roseis & fulgidis,	Qui tuis per martyrium,
Florum coronis aureis,	Donas immensa premia. Amen.

AD

AD LAVDES HYMNVS.

Vlti per orbem canitur,
 Sacrum schema certaminis,
 Monachorum extollitur.
 Præcellit decus ordinis.
 Quorum de arce prodeunt,
 Triginta quinque milites;
 Qui cum triumpho redeunt,
 Poli scandentes limites.
 Nostri sunt decus ordinis,
 Nostri sunt Duces agminis;

Nobisque sæda criminis,
 Dimitte Rex certaminis.
 Dona superna scandere,
 Sacrosque hymnos promere,
 Ad laudes horum martyrum,
 Infunde iubar luminum.
 Summi Patris fastigio,
 Laudis melos dulcissimum,
 Qui nobis per martyrium,
 Largitur omne præmiū. Amē.

Extant & in Breuiarijs nostris, annis 1568. & 1572. excusis, tres alij in
 eius laudem hymni pulcherrimi, quos olim composuit R. D. Raynaldus, cœ-
 nobij Casinensis Abbas, & S. R. E. Cardinalis. De eorundem Passio-
 ne plures habentur epistolæ post finem chronici Casin. Leonis Ostiensis,
 & Petri Diaconi; Siculorum, videlicet monachorum ad S. P. N. Bene-
 dictum, vna: Gordiani monachi, ad S. Maurum, & Vigilium Papam,
 dua. Iustiniani Imperatoris ad eundem Papam Vigilium, vna; & ipsius
 Vigilij, Placidi, & Sociorum passionem approbantis, ad eundem Iustinia-
 num Imp. responsiva; nonnullæque aliæ eiusdem Imp. & Theodora Au-
 gustæ, ad S. Placidum Nepotem suum, dum uiueret, directæ. Agunt de eo-
 dem, & Socijs, Petrus in catalogo lib. 1. cap. vlt. Leo Ostiensis in chron.
 Casin. lib. 1. cap. 1. & Tritemius fufius de vir. illust. ordin. S. Ben. lib. 3. c.
 1. aliique quamplurimi: quos breuitatis causa prætereo.

In Passione, quam scripsit Gordianus, quæ adfertur a Surio tom. 5. ali-
 qua animaduersione digna reperiri, Baronius auctor est, in annotat. ad
 hunc diem. Et eadem, qua Gordianus, censura, corrigendi mihi viden-
 tur, Molanus in addit. ad Vsuarium; Galefinius, Maurolycus, Felici,
 Tritemius, omnesque alij qui Gordianum sequuntur de Abdala Sarace-
 no Hispania Rege. Hæc est enim illa opinio, quam animaduersione di-
 gnam iudicauit R. Baronius. Saracenorum siue Agarenorum nomen, mul-
 to ante hæc tempora Orbi innotuisse, pernegare non possum; de ijs enim
 & Rege eorum Alamundario, qui postea ad Christi fidem peruenit, agit
 Zonaras Annal. Tomo 3. & Cedrenus, anno nono, & decimo Anastasi-
 ij Imperatoris, qui erat à Christo nato annus 499. & 500. at Abdallā
 in Hispania Regem fateri, omnino à ueritate alienum est. Theudius enim
 Vastgotharum Rex 13. tunc temporis Hispanias regebat, eratque hic an-
 nus 541. regni ipsius vndecimus, ut ex Vaseo, & alijs Hispanicis scripto-
 ribus liquet; quibus etiam referentibus, patet, Saracenos siue Arabes
 usque

usque ad annum Domini 714. Hispanias non intraſſe, nec quemquam
 ſuorum Regum Abdalle nomen habuiſſe, usque ad annum 755. quo Ab-
 dalla huius nominis primus regnare cepit: cui anno 776. ſucceſſit Abda-
 las ſecundus, primi Filius. Reſtè igitur Baronius, non à Saracenis, aut
 Agarenis, ſed à Piratis quorum Dux erat Manucha, occiſos affirmat.
 Qui autem fuerint hi Piratæ, difficile eſt perueſtigare. Procopius lib. 1.
 de bello Perſico agit de quibuſdam Saracenis, qui dicti ſunt Blemmii, qui
 & fidem Chriſtianam Iuſtiniano Imperante ſuſcepſiſſe affirmat; Hos eni-
 tequam conuerterentur, rapinis, & cædibus, monachorum præcipue, non
 dum repleuiſſe, auctor eſt Nicephorus lib. 14. cap. 54. & alii. Petrus Vle-
 la de Canibus Meſſanenſis, in quadam epiſtola ſua ad R. P. D. Michae-
 lem Abriani à Concordia, totius Religionis Caſinenſis Preſidem, arbitra-
 tur hos fuiſſe Saracenos, vel Gothos, ſic loquens: Circa lo dubio di Ab-
 dala riſpondo eſſer ſtatire, ſi non erro; ma quello che meno ſi allig-
 ranadal Santo, è di circa anni, 120. loqual può ſuccedere, o per erro-
 re di computo, che molte uolte ſuccede di maggior numero, & de-
 pendere da uno ſolamente, ouero che queſto Moro Abdala aia cam-
 pato longiſſimamente, ſi come ha accaduto à moltiffimi, & ne diſco-
 alcuni. Hippocrates Coui uiſſe anni 161. Neſtore, 300. Tito diſci-
 polo di San Paolo 201. Ioannes de temporibus 361. Galeno 140.
 Dorotheo præful Antiocheno, 120. Cronio anachoreta, 155. Seneca
 poeta, 114. Patritio ſecundo Veſcouo Niuernenſe, 121. Hugo ſuc-
 ceſſore di San Bernardo, 117. Et non è certo da marauigliarſene, per
 quello ſi uede hoggi nell'età noſtra più debole. Circa l'anno 540.
 nel tempo di San Benedetto, & diſ martirio di San Placido, Torila
 ultimo Re de gli Gothi, Arriano crudeliſſimo, entrato nel domi-
 nio ſ'ingegnò di ricuperare la Italia tolta da Belifario à Gothi; o-
 de meſſo inſieme vn poderolo eſſercito, ſe ne andò à Napoli, & fi-
 nalmente, n'hebbe la uittoria, non ſenza ſangue. Et di quindi mi-
 ſe à ſacco, & aſſiſſe in abſentia di Belifario tutta la Italia. Et entra-
 to in Roma la ſaccheggiò & arſe, rouinando parte de le mura, &
 laſciandola quaſi deſolata. Il medefimo fece con la ſua crudeltà in
 molte Città di Toſcana, & ſpecialmente in Perugia, done fece ri-
 gliar il capo à Herculano Epiſcopo della Città. Nauigando poi
 nella Sicilia, ottenne tutta quella Iſola, ſecondo che haueua pro-
 phetizato San Benedetto, che gli diſſe, che haurebbe la Città di
 Roma, & che entrarebbe nella Sicilia, & che nel 14. anno del regno
 ſuo ſarebbe uinto & morto, ſi come ſucceſſe, che finalmente fu ui-
 to & morto in Puglia da Narſete Generale di Iuſtiniano. Da onde
 io ſon

io son stato alquanto scrupoloso che'l fatto di San Placido hauesse accaduto da Totila, & non Abdala, & che la historia fosse stata deprauata, si come piu uolte ha successo. Ma io tandem mi uoglio piu tosto accostar con Abdala. *Hec ille. Et certe quod ad etatem, & annos Abdale attinet, tanquam friuola, & tanto uiro indigna, sub silentio pretereo. Ad Totilam, uerosimilis quidem pre foribus uidetur eius opinio, at temporum ratio obsistit. Nam ut apud Procopium, Panuinum, Sigonium, & alios uidere est, non nisi anno Domini 541. Sancto Placido iam martyrio coronato, Totila super Gothos regnare cepit; & sequenti, paulo ante S.P.N. Benedixit mortem, Casinum montem ascendit; Siciliam uero ingressus non legitur, usque ad annum 546. ut optime annotat Sigonius lib. 19. de regno occidentali: & anno Domini 552. regni sui. 11. (non autem. 14. ut uult Villa de Canibus) a Narsete uictus & occisus est. Qui ergo sint isti Piratæ ex huius uiri, quamuis alias doctissimi, oratione non habemus. Si quid tamen ualet hoc in loco coniectura, quod sentio breuiter aperiam. Piratæ isti populos illos Hunnorum representare mihi uidentur, qui a Suida, & Sigonio, Abares, uocantur, quorum incursionibus & rapinis, maxima Asia, & Europe pars deuastata legitur & depredata: & Suidæ quidem uerba hæc sunt. Abares internecione Bulgari deleuerunt. Abares autem hi Sabinores expulerant, cum ipsi à gentibus, litus Oceani incolentibus profligati fuissent, quæ quidem gentes suam regionem deseruerant, ob caliginem ex Oceani æstu exortam, & Gryphum multitudinem ingruentem. His itaque malis agitati impetum in finitimos fecerunt. Eadem ferè habet Sigonius lib. 20. de regno occidentali, sic inquit: Eodem anno, (559. scilicet) noua gens Hunnorum, qui Abares dicebantur, ad ripas Istri uenit, & annem per hiemem congelatum nacta, flumine transmissa, in Mæsiam, prouinciam Romanam irrupit, ac uariè populari agros hostili exemplo incepit. Hi in omnibus rebus reliquorum Hunnorum cultui, præterquam in religatione capillorum, similes exitere. Hæc Sigonius. Ab his igitur passos S. Placidum & Socios, pro comperto teneo: Affinitas enim maxima quæ intercedit inter Abares, siue Agares, Abarenos, uel Agarenos, mihi coniecturam parit: & hac fortassis nominum affinitate deceptus Gordianus, Agarenos, pro Abarenis siue Abaribus posuit, noui uocabuli, illisque temporibus incogniti adhuc & inusitati, uim & energiam non intelligens. Quod autem Sigonius illo anno, qui erat à morte SS. Placidi, & Sociorum decimus octauus, Mæsiam aggressos dicat, non sic arbitror intelligendum, quasi tunc primum ex regionibus suis egressi fuerint, sed quod illo anno, Mæsiis, & Pro-*

& Prouincijs adiacentibus innotuerint, ut colligere est ex eius libris præcedentibus, in quibus alijs sæpius de Hunnorum uastationibus & incursionibus agit. Et hæc quidem de coniectura nostra, qui fuerint isti Piratæ, dicta sufficiant. Si quis tamen meliora habuerit, ut ea in medium proferat rogo. Nonnullos alios errores reperire licet in eodem Gordiano, ut cum Theodoricus Rex, & Augustus Romanus vocatur, & huiusmodi. Sed hiliiores sunt, talesque, qui à Lectore quamuis modicum in historijs versari facile emendabuntur.

Faustini, & Firmati] De his etiam Mart. Rom. cum Baronio, & alij supracitati, quorum aliqui Faustum, pro Faustino habent: adiungimusque hac item die Donatum, sed præcedenti passum fuisse demonstramus.

Gallæ uiduæ] De qua idem Mart. Rom. cum Baronio, Galestinus, Maurolycus, & Felici, hac die. Eius vitam & obitum scripsit S. Gregorius dialog. lib. 4. cap. 13. ex quo ceteri, ut Trittemius de vir. ill. ord. Sancti Ben. lib. 3. cap. 13. Petrus in catalogo lib. 9. cap. 25. Clarnit non longe post obitum S. P. N. Benedicti. Quid de hac festiuitate sentiamus, diximus ad diem. 6. Aprilis.

Attilani episcopi] De eo Mart. Rom. cum Baronio, Molanus in addit. ad Ursardum, & Galestinus, hac die. Vitam eius descripsit Lucius Marinus Siculus, de reb. Hisp. lib. 5. quam adfert Mosander in Tom. 7. Serrij, hac die. Agunt de eodem Villegas in Flore Sanctorum; Thesaurus concion. Tom. 2. Ambrosius de morales in chron. hisp. lib. 15. cap. 44. & Franciscus Tarapha de regib. hisp. in Alphonso 2. Rege. Fuit monachus de meruela sub cura S. Froilani (quem nonnulli corrupto vocabulo Florianum nominant) Abbatis, deinde Zamorensis Episcopus: obiitque, ut vult Ursardus anno Domini 825. & in numerum Sanctorum relatus est ab Urbano Papa secundo, anno ut uidetur 1092. non autem 1002. ut male annotarunt Marinus, & Mosander: Urbanus enim sedere cepit anno 1088. & sedit usque ad 1099. Corrigendus est, & alius Marini scriptulus, qui dicit hanc Canonizationem factam fuisse, regnante Henrico Hispania rege, quod quam a ueritate sit alienum omnibus historiis legentibus manifestum est, Henricus enim huius nominis primus, non nisi regnare cepit in Hispania anno 1215. uel ut alij uolunt 1214.

Aymardi Abbatis] Chronicon Cluniacense MS. huius natalem reperit, hac die. Trittemius uero, qui Adamarum legit, de uir. ill. ord. S. Ben. lib. 3. cap. 218. Idibus Septembris. Vocatur & à nonnullis Ademardus. Fuit filius Comitis Engolismensis; Abbasque Cluniacensis tertius, creatus anno 944. abdicauit ob priuationem oculorum anno 954. nonemque post annos plenus dierum obiit, 963. sepultus in ueteri ecclesia Sancti Le-

in petro Altare S. Mariæ, ad cuius sepulchrum sequens epitaphium sibi,
& S. Mayolo commune, legitur.

Sedibus in claris,

Aymarde; Mayole, locaris.

Meinulphi Diaconi] De eodem Molanus in addit. ad *Vsuardum*; hac die. Agit de eodem Petrus Cratepolius de episcopis Germaniæ, a quo Episcopus (sed Librariorum errore id factum puto) nominatur. Natus est in Puelsthalia anno 777. fundatorque extitit cænobiij Bridicensis seu Budicensis, quod sanctimonialibus inhabitandum dedit.

Rixfridi episcopi] Notatur huius natalis hac die à Cornelio Kempio Doccomensi in catalogo episcoporum, qui fuerunt Frisones, quem coronidis loco historia suæ Frisiæ apposuit. Agit de eodem S. Ludgerus episcopus in uita S. Suiberti episcopi, quæ Pontificis huius iussu eleganti stylo composuit, quæ est apud Surium Tomo 2. Eiusdem meminerunt Barlandus, & Gerardus Nouiomagus in catalogis Episcoporum Traiectensium. Patria ei fuit Frisia, Monasterium (ut arbitror non enim nominatur à Ludgero) S. Saluator Traiecti: ex quo euocatus, septimo loco sedì Traiectensi impositus est anno 828. & sessionis suæ anno nono, Christi 836. paradysi gaudia feliciter intravit.

PRIDIE NONAS OCTOBRIS.

Treniris, depositio Sanctæ Modestæ uirginis, & Abbatissæ secundæ monasterii Sanctæ Mariæ in Horreo Dagoberti Regis, sanctitate & miraculorum gloria claræ.

OCTOBRIS 6.

Modestæ uirginis] De qua Galesinius, hac die: item & Trittemius de uir. ill. ord. S. Ben. lib. 3. cap. 143. falluntur tamen, cum putant eandem esse cum S. Modesta Abbatisa, de qua die. 4. Nouembris agemus, cuius & mentio habetur in uita S. Gertrudis, cap. 3. quæ nixit anno 660. Nostra enim de qua nunc agimus fuit Abbatisa secunda Monasterij Horrei, ut etiam fatetur idem Trittemius loco citato, idque confirmant liber de Monasterijs Germaniæ; & Franciscus Yvanne monachus Hispanus in compendio uir. ill. ord. S. Benedicti; Successitque in regimine S. Irminæ Abbatisa, anno Domini 710. ut patet ex eodem Trittemio lib. 3. cap. 138. ubi de S. Irmina agit: quo anno tamen ad sponsum suum migravit, hactenus ignoro.

NONIS OCTOBRIS.

IN Anglia, Sanctæ Osthæ uirginis, Reginae, & martyris. Hæc Redualdi Anglorum Orientalium Regis filia, sub cura Sanctæ Mo.

Moduuehnæ, Abbatissæ Silvæ Arderæ primum tradita, deinde à parentibus Sigeno Saxonum Orientalium Regi desponsata, sed non nupta, tandem Sanctæ Edithæ Abbatissæ, Sororis suæ regimini, in monasterio Ailesburij, se subdens, consecrationem accepit ab Acta & Beduino Episcopis: quo in loco cum tota Deo defixa esset, a Danis Piratis confossa, & capite truncata, illud per stadia ferè tri usque ad ecclesiam Sanctorum Petri & Pauli miraculosè portanti, & sic per martyrii palmam animam Deo immaculatam reddidit anno Domini sexcentesimo quinquagesimo tertio. In cœnobio Butbacensi apud Frislariam, depositio Sancti Humberti, Prioris illius cœnobii, conuersionis sanctissimæ uiri.

OCTOBRIS 7.

O Sithæ uirginis.] De ea Galestinus, hac die, Res eius gestas, & passionem posteritati reliquit Albericus Veerus Canonicus Regularis, quas adfert Sirtius Tomo 5. hac die. Agit de eadem Chorogr. Britannia, folio 350. Mater eius fuit Vuildeburga, Pende Merciorum Regis filia Humberti, Prioris.] Hac die notatur eius natalis à Trittemo, de uir. ill. ord. S. Bened. lib. 3. c. 271. Qui tamen quo tempore claruerit non refert.

OCTAVO IDVS OCTOBRIS.

A pud Dononitum, solemnitas sanctæ Ragenfredis uirginis, & Abbatissæ. In Vualciodoro, translatio sancti Eloqui Abbatis & confessoris. Patavii, depositio sancti Compagni Prioris, cuius corpus quod penitus incorruptum cernitur, quanti apud Deum sit meriti ostendit.

OCTOBRIS 8.

R agenfredis uirginis.] De qua Molanus in addit. ad Usuard. hac die. Fusius uero in indic. SS. Belgij. Fuit filia Aldeberti Comitis Anstrouandiæ, & Reginæ, neptis Pipini Regis, ac prima Dononij Abbatissæ, secundo milliaro à Valencenis in Hannonia, circa annum 790. Translatio S. Eloqui.) De quo idem Molanus ibidem, & in indiculo. SS. Belgij, hac die. Fusius de eo agemus tertio nonas Decembris in eius depositione.

Compagni Prioris.] De eodem Tabulæ Camaldulenses, & Angustinus Florent. in hist. Camald. parte 2. lib. 4. cap. 11. hac die. Vitam eius habet Scardeonius in hist. Patavina lib. 2. classe. 6. Iacet Patavij in ecclesia sanctimonialium S. Mariæ de Porcilia, ubi primus Prior fuit, cum hoc elogio.

Hic in capsa iacent ossa, uel corpus Domini Compagni, primi Prioris Sanctæ Mariæ de Porcilia, qui obiit anno 1264.

SEPTI-

SEPTIMO IDVS OCTOBRI.

A pud Casinum, Sancti Deusdedit Abbatis, qui a Sicardo tyranno detrusus in carcerem, illic fame & arumnis confectus reddidit spiritum. In Hannonia, Sancti Gislens episcopi Atheniensis, qui relicto episcopatu monachi uitam in monasterio Sanctorum Petri & Pauli in Cella, a se constructo exercuit, & multis uirtutibus & sanctitate clarus, migravit ad Dominum. Cuius corpus multis post annis de terra, hac item die, eleuatum est. Aquiscincti, obitus Beati Gofuini Abbatis, qui rumores nec audiebat nec referebat libenter. Eodē die Canonizatio Sancti Rodofindi, quondam Compostellani episcopi, per Clementem Papam tertium.

OCTOBRI 9.

Deusdedit Abbatis.] De eodem Mart. Rom. cum Baronio, hac die. Cuius res gestas referunt Leo Ostiensis, in chron. Casin. lib. 1. cap. 24. Petrus de Sanctis Casinensib. cap. 26. Tritemius de uir. ill. ord. S. Bened. lib. 3. cap. 274. Fuit Abbas illius cenobij quintusdecimus, ac sedit annos sex in complete, migravitque a seculo anno Dom. 834.

Gislens episcopi.] De eodem Mart. Rom. cum Baronio, Molanus in addit. ad Vsuarium, & Galefinius, hac die. Vitam eius ex MS. adfert Sotius Tomo 5. hac die. MS. extat in Cella, siue S. Gislens oppido & Monasterio, tribus miliaribus à Montibus Hannonie. Ibidem MS. habentur de uita S. Gislens, Rounerus, uel Reinerus ad Radbodum Abbatem: & Philippus Abbas Bone spei: ac duo diuersi metrici scriptores. Plura de eo idem in indiculo Sanctorum Belgij. Ex Monacho Basiliano, & Archiepiscopo Atheniensi, factus est professor Regulae S. Benedicti; uicque temporibus Sanctorum, Amandi, Autberti, Landelini, & aliorum Christi confessorum & monachorum, circa ann. 640.

Cuius corpus &c. eleuatum est) De hac eleuatione agit idem Molanus in addition. ad Vsuarium, hac die. Quo autem tempore contigit ignoro.

Gofuini Abbatis.) De eo idem Molanus loco citato, hac item die. Vita eius eo referente extat in Monasterio Aquiscinctensi per Alexandrum Abbatem eius successorem: & per alium anonymum aliquanto potestorem. Est autem cenobium Aquiscinctense non longe à Ciuitate Duacensi situm, percelebre his nostris temporibus ob adificationem Collegij Aquiscinctensis à Reuerendo Patre Domino Ioanne Lentaillens Abbate, in Uniuersitate Duacensi ad studiosorum commoditatem anno 1570. factum. Illud inhabitant Societatis Iesu Reu. Patres, iuuentutis Collegij moderatores.

Canoni-

Canonizatio S. Rodofindi.] *Hæc Canonizatio bis facta est, semel in Hispania ab Iacinto Cardinale anno 1156. Secundo Roma ab eodem cum iam Papa factus esset Clemensque tertius vocatus, anno Dom. 1194. Pontificatus sui. 5. hac die, vt annotat Morales in hist. Hispan. lib. 16. cap. 36.*

SEXTO IDVS OCTOBRIS.

Eboraci in Britannia, Sancti Paulini episcopi, discipuli beati Gregorij Papæ, qui cum alijs ad prædicandum euangelium illuc ab eo missus, Eduuinum Regem Nordamhumborum, eiusq; populum ad fidem Christi conuertit. Iotro monasterio, Sanctæ Telechildis uirginis & Abbatissæ. Aurelianis, depositio Sancti Geraldii monachi, sanctitate, & abstinentia, ac miraculorum gloria clari. Ipso die, Dedicatio Ordinis Cælestinorum, ubique locorum præfati Ordinis vna die sollemniter celebranda. In Galliis iuxta Aream: Sancti Venanti Eremitæ, & martyris uerè nobilis.

OCTOBRIS IO.

Paulini episcopi.] *De eo Mart. Rom. cum Baronio: Beda, Vrsodius, Ado, Galestinus, Maurolycus, & Felici, hac die. Res eius gestas copiosè describit Beda in hist. Angl. lib. 2. à capite nono inclusiue, ad 21. exclusiue: & lib. 3. cap. 14. in quo eius transitus narratur. Has adferunt Lippomanus Tom. 2. & Surius Tomo 5. hac die. De eodem agunt Petrus in catalogo lib. 9. cap. 44. Trittemius de vir. ill. ord. S. Ben. lib. 2. c. 58. & lib. 4. cap. 53. Polydorus in hist. Angl. lib. 4. & Demochares de sacrif. missæ, Tomo 3. cap. 39. a quo notatur Eboracensis episcopus primus, quem episcopatum administravit, Beda referente annos, 19. mens. 1. & dies 21. Migravit ex hac uita anno 654.*

Telechildis uirginis.) *De eadem Molanus in addit. ad Vrsardum, hac die. Cætera me latent.*

Geraldii monachi.) *De quo Maurolycus, & Felici, hac die. Vnam eius describit Petrus in catalogo lib. 9. c. 45. & hac item die obijisse refert.*

Dedicatio ordinis Cælestinorum.) *De qua Molanus in addit. ad Vrsardum, & Tabule RR. PP. Cælestinorum, hac die.*

Venanti Eremitæ.) *De quo Molanus in addit. ad Vrsardum, & in indic. SS. Belgij, hac die. Filius fuit S. Amalbergæ, & occisus est à Longobardis in nemore, ubi vitam religiosam ducebat; Vixit anno 690.*

QUINTO IDVS OCTOBRIS.

IN Scotia, Sancti Canici Abbatis. In Anglia, Sanctæ Edilburgæ uirginis, & Abbatissæ, Sororis Sancti Earcunualdi Episcopi, quæ multis uirtutibus & signis refulsit.

OCTO

OCTOBRIIS II.

Canici Abbatis.) De eo Mart. Rom. cum Baronio, Galestinus, Man-
rotycus, & Felici, hac die. Petrus vero in catalogo lib. 11. cap. ulti-
mo, sequenti. Res eius gestæ hæc me fugerunt.

Edilburgæ) Siue Eihelburgæ, vii Molanus in addit. ad Usuardum,
& Galestinus, legunt, hac die. Vitam eius describit Beda lib. 4. cap. 7. &
9. Errant Molanus & Galestinus, qui caput. 8 lib. 3. citant, ibi enim agit
Beda de alia S. Edelburga Abbatisa cænobiij Brigenfis in Gallia, filia
Anne Anglorum Orientalium Regis. De hac nostra agit & Trittemius
de vir. ill. ord. S. Ben. lib. 3. cap. 120. Fuit Abbatisa Monasterij Berchyn-
genfis ad ripam Thamesis fluminis, anno circiter Dom. 680.

QUARTO IDVS OCTOBRIIS.

Eboraci in Anglia, Natalis Sancti Vuilfridi, eiusdem ciuitatis epi-
scopi & confessoris, admirabilis sanctitatis, & patientiæ uiri.
Luxouij, Sancti Eustasij Abbatis, & Confessoris. In Monasterio
Eiche ad Mosam, depositio Sanctæ Harlindis uirginis & Abbatisæ.
Camalduli, Rodulphi Eremitæ, & quarti Prioris Generalis totius
Ordinis Camaldulensis, miraculis clari.

OCTOBRIIS 12.

Vuilfridi.) alias Vuillefridi, & Vualfridi, seu Vuilfredi, de quo Mart.
Rom. cum Baronio, Molanus in addit. & annotat. ad Usuardum, ac
Galestinus, hac die. Res eius gestas comprehendit Beda in hist. Angl.
lib. 3. cap. 28. & lib. 4. cap. 12. & aliquot sequentibus, usque ad 26. Has
referunt Lippomanus Tom. 2. & Surius Tom. 5. Plures alij vitam eius se-
runtur composuisse, primo Heddius Stephanus, Cantia monachus, Acca
Episcopi Haugustadensis hortatu, circa annum 720. tum Odo Seuerus
Cantuariæ Episcopus: deinde Fridegodus Cantuariæ Diaconus, qui florue-
runt anno 959 postremo Petrus de Blesis anno 1160. De eodem præte-
rea agunt Petrus in catalogo lib. 11. cap. ultimo, sub corrupto nomine Vil-
fridi. Polydorus in hist. Angl. lib. 4. & nouissime Trittemius de vir. ill. ord.
S. Bened. lib. 3. cap. 170. & lib. 4. cap. 63. Fuit ex Monacho & Abbate
Ripensis cænobiij, quintus Eboracensis Archiepiscopus, ut annotat De-
mocharis, de sacrif. missæ, Tom. 3. cap. 89. errat tamen, nam ut ex Mat-
theo. Questmon. & Polydoro liquet, secundus Eboracensi ecclesiæ præ-
fuit Episcopus, creatus post longam uacationem anno 664 Obijt ut refert,
Beda in epitome sue historiæ anno Domini 732. sui regiminis 45. Ma-
thæus uero migrasse refert anno Domini 711. cuius opinioni, temporum
rationi magis consentanea libenter subscribo.

Y Y Eustasij

Eustasij Abbatis.) De eodem Maurolycus, & Felici hac die. Natus incidit in diem. 29. Martij, & ibi de eo egimus: utrum presens finitus sit ipsius translationis, aut fortè commemorationis, Lectorem quirit.

Harlindis uirginis.) De qua Molanus in Calendario Belgico, & in indic. Sanctorum Belgij, latius, hac die. Fuit prima illius loci Abbatis, circa annum Domini 740.

Rodulphi Eremitæ.) De eodem hac die Tabula Camaldulensis. Vitam eius describit Augustinus Florent in hist. Camald. par. 1. cap. 33. & 66. Obijt, anno Domini 1106. gubernationis sue. 23.

TERTIO IDVS OCTOBRIS.

Vienna in Austria, Sancti Colmanni episcopi & martyris: Hic ex monacho Lindisfarnensi, ad eiusdem ciuitatis Episcopatum uocatus, maximam Saxonum multitudinem, & inter reliqua Peadam Regem Merciorum, ex Ethnicismi & Gentilitatis feruitute in Euangelij libertatem uindicauit; demum Britannia relicta, per multas regiones Germaniæ uerbum Dei seminando, & complurimos ad fidem Christianam conuertendo, est peregrinatus, quousque per Austriam rediret, a nonnullis Christi hostibus impiè trucidatus, gloriosam martyrij palmam consecutus, ibidem magna populi conueratione colitur. Taronis, depositio Sancti Venantij Abbatis, & Confessoris. Apud Sublacum in Latio, Sanctæ Chelidoniz uirginis, & Abbatis. Augustæ uindelicorum, Sancti Simpertii Episcopi & Confessoris; qui Caroli, Magni Imperatoris ex Symphorianæ Sorore Nepos, necnon Autberti Austrasiæ Ducis filius, rebus caducis abiectis, monachus primum Murbacensis, Abbas deinde nouissimè Episcopus Augustanus factus, cum laudabiliter ac utiliter mē annis multis ecclesiam sibi commissam gubernasset, miraculo clarus migravit ad Dominum. Eodem die, triumphus Sancti Lamberti episcopi in Steps. Colonia in Monasterio Sanctorum Pantaleonis, Cosinæ & Damiani, innocentio corporis Sancti Maurini, Abbatis & martyris: quod anno Domini incarnationis nongentesimo sexagesimo quarto, dum fundamentum eiusdem Ecclesiæ effoderetur, cum huiusmodi inscriptione reperiuntur est; Hic requiescunt ossa bonæ memoriæ Maurini, qui in actio ecclesiæ martyrium pertulit, sub die quarto Idus Iunij. Item, Sancti Gerbrandi confessoris, & primi Abbatis in Floricampo, Ordinis Cisterciensis. Ipso die, Dedicatio Ecclesiæ Monasterij Claraualensis, Ordinis Cisterciensis.

OCTOB. 13.

Colmanni Episcopi) De eodem Mart. Rom. cum Baronio, & Calendarium Saltzburgense, hac die. Ioannes Stabius Maximiliani primi Caesaris historicus, huius uitam & martyrium Sapphico carmine egregie depinxit, quod carmen adfertur à Surio Tom. 5. hac die. De eodem praeerea agunt Heftor Boetius de regib. Scotia, lib. 9. in Ferguhard. 11. Rege. Ioannes Lesleus de reb. gestis Scotorum, lib. 4. in eodem Rege. Petrus Cratopolius de episcopis Germania, & Trittemius de uir. ill. ord. S. Bened. lib. 4. cap. 153. à quibus Colomannus vocitatur: & Demochares de sacrif. missæ, Tomo 2. cap. 39. à quo annotatur tertius Lindisarnensis Episcopus: praeuit episcopatu annis tribus, & anno 664. In- da in locum suum substituto, ad monasterium suum, primum reuersus est, deinde Euangelij causa in Germania sededens, non longe post occisus est. Ex his auctoribus citatis redarguitur Baronius, qui in notis ad hunc diem, asserit passum anno Domini 1012.

Venantij Abbatis.] De eo Mart. Rom. cum Baronio, Vsuardus, Ga- lesinus, & Felici, hac die. Maurolycus uero quinto idus, id est, nu- clasterius. Vitam eius ex cap. 16. Greg. Turon. de uita Patrum, re- fert Surius hac item die, Tomo 5. Agunt de eodem idem Gregorius de gloria confess. cap. 25. & lib. 10. hist. Franc. cap. 31. in Licinio episcopo: Petrus in catalogo lib. 11. cap. ult. hac die: & Trittemius de uir. ill. ord. S. Bened. lib. 3. cap. 33. Fuit Monachus primum S. Martini Turonen- sis sub Syluino Abbate, deinde Abbas: floruisseque uidetur anno Domi- ni 560. paulo ante, uel post.

Chelidoniae uirginis.] De qua Mart. Rom. cum Baronio, hac die. Acta eius extant MS. in Sacristia Monachorum Sublacensium: Na- ta est Cellis in Calabria, Abbatissamque egit in Monasterio quodam apud Sublacum, quod nunc à suo nomine S. Chelidonia nominatur.

Simperti Episcopi.] Sine Symberti; De quo idem Molanus in ad- da. ad Vsuardum, hac die. Vitam eius composuit Agilbertus, Prior capuhy Sanctorum Vdalrici & Asae, in quo requiescit hic Sanctus, tem- pore Maximiliani primi Imperatoris, quo regnante eleuatus est. Extat MS. Louanij, & alicubi excusa in 4. De eodem agunt Belforestius in sua Cosmographia, in descriptione ciuitatis Augustana: Petrus Crate- polius, de episcopis Germania, & Demochares de sacrif. missæ, Tomo 2. cap. 35. à quo numeratur undecimus illius ciuitatis episcopus. Migravit anno Domini 809. episcopatus sui 30.

Triumphus S. Lamberti.] De quo idem Molanus loco citato; & in indi. SS. Belgij, hac die.

Y y 2 Inuen-

Inuentio corporis S. Maurini.] Cuius meminit idem Molanus ibidem, hac die. Inventionis huius historiam adfert Surius Tomo 3; die 10. Iunii; qua uidelicet martyrio coronatus est, ut eius epitaphium indicat: composita est autem huiusmodi historia à Stephano monacho anno 900. iussu Christiani Abbatis S. Pantaleonis.

Gerbrandi conf.] Idem Molanus ibidem, huius quoque meminit, hac die. De quo, nil aliud quod dicam inuenio.

Dedicatio Clareuallensis.] Facta est huiusmodi dedicatio anno Domini 1115. ut annotat Cesarius monachus lib. 1. cap. 1. illustrium miraculorum; qui tamen diem reticet, quem produnt Calendaria Cluniensis.

PRIDIE IDVS OCTOERIS.

Herbipoli, Sancti Burchardi, primi illius ciuitatis episcopi; qui licet ex hac uita migrauerit die secunda Februarii, eius tamen festiuitas hac die à fidelibus plenius recolitur. In territorio Bocuacensi, Sanctæ Andragisinae uirginis, & Abbatis. Eodem die, depositio Sancti Dominici, cognomento Loricati. In latio, Sancti Bernardi confessoris. Ipso die Sancti Patris Cosmæ Hagipopolitani, & poetæ, episcopi Maiumæ.

OCTOBRIS 14.

Burchardi Episcopi.] De quo Mart. Rom. cum Baronio, Molanus in addit. ad Vsuarium, & Galestinus; Calendarium meum Germanicum uero, quinto idus mensis presentis. Vitam eius composuit Egidius Monachus S. Chilianus iuxta Herbipolim, quam adfert Surius Tomo 5. hac die. Agunt de eodem, sed. 6. idus Octobris, Tritemius de vit. ill. ord. S. Ben. lib. 3. c. 186. & lib. 4. cap. 184. & in chron. Hirsug. Petrus Cratepolius de episcopis Germaniæ. Belforestius in Cosmogon. catalogo episcoporum Herbipolensium, & Demochares de sacrif. missæ. Tom. 2. cap. 35. fusè satis. Plura de eodem habentur in uita S. Burchardi apud Surius Tomo 3. Ex monacho Mûschellæ in Anglia, factus est secundus Herbipolensis Episcopus, à S. Chiliano, anno Domini 779. consecratus à Rom. Pont. Zacharia; presuit prudentissimè annis 40. Obiitque in cænobio Hohemburgo, quod ipse construxerat, anno 793. die secundo Februarii. Quare autem eius festiuitas hac die sollemniter colatur, adhuc minimè cognoscere potui.

Andragisinae uirginis.] Sive Angadrisinæ, uel Angadrisinæ; De qua Molanus in addit. ad Vsuarium, hac die. De ea latius egimus die 6. Aprilis, qua reponitur à Tritemio.

Domini

Dominici Loricati.) De eodem *Mart. Rom. cum Baronio*; & *Molanus* in addit. ad *Vsuardum*, hac die. *Vitam* eius scripsit *S. Petrus Damianus* Cardinalis, ad *Alexandrum Papam Secundum*, quam adfert *Surnius* Tom. 5. hac die. Floruit anno 1050.

Bernardi conf.) De quo idem *Mart. Rom. cum Baronio*, hac die. *Quires* eius gestas, *MS. extare refert*.

Cosmæ Hagiopolitani.) De eodem *Molanus* in addit. ad *Vsuardum*, hac die. Plura de eo in *uita S. Ioannis Damasceni* apud *Surium* Tom. 3. die 6. Maij. Fuit natione *Italus* & *Abbas S. Sabæ iuxta Hierusalem*, magister, & *nutricius* eiusdem *S. Ioannis Damasceni*, circa annum Domini 700. Felici de eodem die sequenti.

IDIBVS OCTOBVIS.

IN Prussia, Sancti Brunonis episcopi Ruthenorum & martyris, qui euangelium in ea regione prædicans, ab impijs tentus, manibus, pedibusque præcisus, capite truncatus est. In Germania, Sanctæ Teclæ Abbatis, quæ à Sancto Bonifacio vocata ex Anglia, & Virginitas præfecta, sanctitate conspicua quieuit in pace. Vigornia in Anglia, translatio Sancti Osualdi episcopi & confessoris, miraculis clari. Cracouia, depositio Sanctæ Heduuigis Ducissæ Silesiæ, ordinis Cisterciensis sanctimonialis, & uiduæ: quæ pauperum obsequio dedita, etiam miraculis clauit, quam & Clemens Papa quartus catalogo Sanctorum adscripsit. In territorio Remensi, translatio Sancti Basili Abbatis & confessoris, quæ facta est ab Hincmaro Archiepiscopo, uiro uenerabili.

OCTOBVIS 15.

Brunonis Episcopi.) De eodem *Mart. Rom. cum Baronio*; & *Molanus* in addit. ad *Vsuardum*, hac die. De eodem agunt *Petrus Cratopolus* de episcopis Germaniæ, *Trittemius* de uir. ill. ord. *S. Ben. lib. 2. cap. 85. lib. 3. cap. 230. & lib. 4. cap. 116.* & in lib. de scriptoribus ecclesiasticis. *Albertus Crantzius* Metropolis lib. 4. cap. 3. & *hist. Saxon. lib. 4. cap. 28.* Fuit ex Illustri Baronum de *Querfurt* Stemmata procreatus (ideoque notatur *Trittemius* in lib. de scriptor. eccles. qui eum Italum facit) & *Monachus Magdeburgensis* (non autem *Casiniensis*, ut malè habet *Sixtus Senensis* lib. 4. *Bibliothecæ Sanctæ*, qui & ipse in eodem, quo *Trittemius*, quem ipse sequitur, errore versatur) deinde *Archiepiscopus Ruthenorum*, qui martyrio coronatus est anno Domini 1008. Resiqua de eodem uideto in *Annotationibus nostris* ad *Archiepiscopos Ruthenorum*, lib. 2. cap. 30.

Y y 3 Teclæ

Teclæ Abbatissæ.) De qua Mart. Rom. cum Baronio, hac die. Eius quoque fit mentio in uita S. Bonifacii episcopi apud Surium Tom. 3. die. 5. Junij. & apud Trittemium de uir. ill. ord. S. Ben. lib. 3. cap. 172. Fuit Abbatissa Eizingensis circa annum Domini 740.

Translatio S. Osfaldi Episcopi.) De ea Molanus in addit. ad Vuardum, & Galefinius, hac die. Senatus Brauonius Viugornie monachus anno 1170. uitam eius descripsit, quam adfert Surius hac die Tom. 5. Ad præterea de eodem Polydorus in histor. Angl. lib. 6. & 7. Trittemius de uir. ill. ord. S. Bened. lib. 3. cap. 227. & lib. 4. c. 101. ubi typographorum inaduertentia, pro Viugornienſi, dictio Vintonienſis irrepſit. Fuit primus monachus Floriacensis in Gallia, deinde Viugornienſis Episcopus; postremo Archiepiscopus Eboracensis decimus nonus; obiit anno Domini 972. potestatis suæ 21. die 28. Februarii. Hac die postmodum translatus.

Hedunigis Ducissæ.) De eadem Mart. Rom. cum Baronio; & Molanus in addit. ad Vuardum, hac die. Calendarium autem meum Germanicum, die sequenti. Res eius gestas recensent Surius Tom. 5. hac die; & Martinus Cromerus in hist. Polon. lib. 7. Cronica cronicarum. & Petrus Cratepolius de episcopis Germaniæ; & alii. Fuit filia Bertholdi Ducis Meraniæ, Carinthiæ, & Istriæ, & uxor Henrici Barbatæ Silesie Ducis, post cuius obitum, una cum filia sua S. Gertrude, uitam monasticam professæ est in cœnobio Trebnicensi, in honorem S. Mariæ, & S. Bartholomæi Apostoli consecrato, anno 1219. obiitque anno 1243. Auctori uitæ quam adfert Surius est Engelbertus monachus ord. Cisterciensis.

Catalogo Sanctorum adscripsit.) Hæc Canonizatio in eius uita facta refertur hac die anno 1267. à Clemente quarto. Petrus Cratepolius uero celebratam dicit septimo Cal. Septembris, sed tunc est eius Translatio.

Translatio S. Baloli.) De hac Molanus in addit. ad Vuardum, hac die. Agemus nos de eo sexto Calendas Decembris.

DECIMOSEPTIMO CALEND. NOVEMBRIS

IN Derno Monasterio, Sancti Bercharii Abbatis, & martyris: cuius sepulchrum longo tempore oleum scaturire uisum est, cunctis infirmitate depressis saluberrimum. In Alemania apud Arbonam, depositio Sancti Galli Abbatis & confessoris, miræ sanctitatis uir, discipuli beati Columbani. Moguntia, natalis Sancti Lulli, Archiepiscopi & confessoris, qui Bonifacio martyri, digne succedere meruit. In monte Falconis, beatissimi Baldrici Monachi & confessoris, cuius uita crebris miraculis declaratur. Ciuitate Nouema, Sancti Mommelini Episcopi & confessoris. Duaci, transitus Sancti

Sancti Gurdii Eremitæ & confessoris, qui requiescit in ecclesia
Sancti Amari.

OCTOBRI 6.

Becharii Abbatis.) De quo Mart. Rom. cum Baronio; & Molanus
in addit. ad Vsuarium, hac die. Vitam eius composuit Vincentius in
Speculo lib. 23. cap. 114. & 115. hanc adfert Surius, hac die, Tom. 5.
citat tamen librum. 24. Vincentii, quod facit & Baronius in notis huius
diei; errare tantos viros in hac citatione dicere non ausim, scio tamen hu-
ius Sancti res gestas, in exemplari meo Venetiis anno 1590. apud Nico-
læum excuso, reperiri lib. 23. citato, & non 24. De eodem agunt Petrus
in catalogo, lib. 8. cap. 22. & Tritemius de vir. illust. ordin. Sancti Bened.
lib. 3. cap. 109. Reponitur à Maurolyco, Petro, & Felici, die Calen-
darium Septembris. Ex Monacho Luxoviensi, & discipulo Sancto-
rum Nivardi, & Eustasii, factus est primus Abbas Altiavallensis,
& martyrio coronatus est anno Domini 661. ut annotat Siebertus in
Chronico.

Galli Abbatis.) De eodem Mart. Rom. cum Baronio; Vsuarius,
Ado, Galesinius, Maurolycus, & Felici, hac die. Vita composita
est à Vualafrido Strabone Abbate Augiensi, quæ adfertur à Surio, hac
die, Tomo 5. Eandem postea metricè composuit idem Vualafridus, qui
floruit anno 840. Agunt & de eo Petrus in catalogo lib. 9. cap. 72. Trit-
emius de vir. illust. ordin. S. Bened. lib. 3. cap. 76. Ioannes Lesleus. de reb.
gest. Scotor. lib. 4. in Chenneto Rege. Möbrutius to. 2. Hermanus cōtractus
in Chron. ad an. 631. & Petrus Cratepolius de episcopis Germaniæ. Plu-
ra item de eodem reperies in vita Sanctorum Columbani Abbatis, &
Barchardi episcopi, lib. 2. cap. 2. apud Surium Tomo 5. & 6. aliisque
pluribus in locis. Migravit ex hac vita anno 640. etatis sue. 95.

Lulli Archiepiscopi.) De quo Mart. Rom. cum Baronio; Ado,
Molanus loco citato, & Galesinius, hac die. Vitam eius ex breuiario
Moguntino adfert Surius Tomo 5. hac die, De eodem agunt Vincen-
tius in Speculo lib. 23. capit. 157. Hermanus in chron. ad annum 754.
Tritemius de vir. illust. ordin. S. Ben. lib. 3. cap. 193. & lib. 4. cap. 78. & in
chron. Hirsaugie. & Demochares de sacrif. missæ, Tomo 2. cap. 34. à quo
numeratur 18. eius sedis Episcopus, Archiepiscopus vero 2. Migravit
ex hac vita anno 787. regiminis sui. 32. Vocatur à Crantzio Saxon.
lib. 2. cap. 15. Lullo.

Baldrici monachi.) De eodem Molanus in addit. ad Vsuarium, hac
die: & Tritem. de vir. illust. ordin. S. Ben. lib. 3. c. 152. Fuit monachus Mon-
tis Falconis, sed quo tempore non proditur.

Mommoleni episcopi] Siue Mummoleni, de quo idem Molanus ibidem, & Galestinus, hac die. Fuit ex monacho Luxoviensi. 21. Nouembris episcopus. ut notatur à Tritemio de vir. ill. ord. S. Ben. lib. 3. c. 106. & lib. 4. ca. 161. & Demochare de sacrif. missæ, Tom. 2. cap. 15. qui ait prefuisse an. 26. & migrasse hac die anno 691. Agit de eo, & Molanus in indic. Sanctorum Belgij.

Gurdielli Eremitæ] Siue Gordiani; cuius meminit Molanus in addit. ad Usuardum, & in indic. SS. Belgij, hac die. Vitam monasticam siue Eremiticam egit in ea Insula, quæ nunc est Aquisclunum canobium, quod sibi datum est à Sichero anno 1079.

DECIMOSEXTO CALEND. NOVEMBRIS.

Constantinopoli, Sancti Andreae Cretensis monachi, qui ob cultum sacrarum Imaginum, sub Constantino Copronymo sæpius uerberatus, dum al. locum supplicij raptaretur, in uia amputato altero pede, reddidit spiritum, & innumeris postea miraculis claruit. Lauduno clauato, natale Sanctæ & Illustrissimæ Austrudis, uirginis & Abbatissæ, quæ ab ipsis infantia rudimentis, mira Dei gratia prædita, etiam uirtutibus, ac miraculis gloriosa, migravit ad Christum. Ipso die. Dedicatio Ecclesiæ Monasterij Cisterciensis, & Ordinis.

OCTOBRIS 17.

Andreae Cretensis] De quo Mart. Rom. cum Baronio; & Molanus in addit. ad Usuardum, hac die. Auctores qui res eius gestas præsequuntur, uide apud Baronium in notis ad hunc diem.

Austrudis uirginis] De ea Molanus loco citato, hac die: quo tamquam tempore claruerit adhuc me latet.

Dedicatio ecclesiæ] Facta legitur hæc ecclesiæ, & Ordinis Dedicatio anno Domini 1098. ab Hugone Lingonensi Episcopo, & Apostolica sedis legato, ut scribit Cæsarius monachus lib. 1. cap. 1. illustr. miraculorum. Cisterciensia diem nobis subministrarunt.

DECIMOQVINTO CALEND. NOVEMBRIS.

Andegauis, Sancti Herblandi Abbatis. In Britannia, translatio Sancti Brioci episcopi & confessoris, quando sacrum eius corpus ex Andegauo, ubi obierat, ad suam sedem relatum est. In territorio Leodiensi, passio Sancti Mononis Eremitæ, & monachi, à Leotronibus occisi, magnæ sanctitatis uiri.

OCTOBRIS 18.

Herblandi Abbatis] De quo Molanus in addit. ad Usuardum, hac die. Maurolycus item & Felici, qui Hermelandrum legunt. Virum autem sit ille Hermelandus, de quo egimus die. 25. Martij, adhuc ignotum. Transla-

Translatio S. Brioci.) *Quam annotat hac die Robertus Cenalus de re Gallica lib. 2. peiroche. 6. factamque ait anno Domini 1110. Tumuli eius inscriptio hæc erat. Hic iacet corpus beatissimi confessoris Brioci in Britannia episcopi; quod Hylispodius Rex Britannorum ad suam Basilicam deponendum curauit.*

Mononis.) *Huius martyrium adfert Mosander ex MS. Tomo 7. Suri hac die. Fuit natione Scotus, & vitam Eremiticam duxit in territorio Leodiensi, anno Domini circiter 640.*

DECIMO QUARTO CALEND. NOVEMBRIS.

IN Hibernia, Sancti Ethbini Abbatis Neftenensis, discipuli Sancti Similiani. Oxoniæ, Sanctæ Fridesuudæ uirginis; hanc cum Algarus Princeps, qui eius nuptias ambibat, ad stuprum raptaret, non sine euidenti miraculo, oculis captus est, uerum mox uirgo suis precibus Deum Algaro placauit, qui rursus uidere cœpit. Duaci translatio Sancti Amati episcopi & confessoris. Eodem die, Sancti Amabilis Abbatis Aruernensis & confessoris, qui obiit Calendis Nouembris, sed eius festiuitas hac die plenius recolitur. In cœnobio Epternaco, translatio Sancti Vuillibrordi episcopi & confessoris.

OCTOBRI 19.

ETHbini Abbatis.) *De eodem Mart. Rom. cum Baronio: Molanus in addit. ad Vsuardum, Maurolycus, & Felici, hac die. Vitam eius ab incerto adfert Surius Tomo 5. Agunt de eo Vincentius in Speculo lib. 21. cap. 114. & 115. Petrus in catalogo lib. 9. cap. 84. & Tritemius de uir. ill. ord. S. Bened. lib. 3. cap. 44. Fuit monachus & Abbas cœnobij Tauraci in Silua Neftenensi, circa annum Domini 610. obiitque anno etatis sue 83.*

Fridesuudæ uirginis.) *Alijs Fridesuudæ; de qua iudem Baronius, & Molanus, hac die. De eadem agunt Polydorus in hist. Angl. lib. 5. & Britanniæ Chorog. fol. 288. Fuit filia Didani Ducis, & concepto voto sanctimonialis sit Oxoniensis, circa annum Dom 730.*

Translatio S. Amati.] *De qua Molanus in addit. ad Vsuardum, & in indic. Sanctorum Belgij, hac die.*

Amabilis Abbatis.] *Huius uitam ab incerto, adfert Surius Tomo 5. hac die. Eius & meminit Gregorius Turonens. de gloria confess. cap. 33.*

Translatio Sancti Vuillibrordi.) *De qua Molanus in indic. Sanctorum Belgij, hac die. Quo vero tempore facta sit non memorat.*

DECI MOTERTIO CAL. NOVEMBRIS.

IN pago Remensi, depositio Sancti Sindulphi confessoris; cuius uita, quam fuerit Deo accepta, testantur ipsius miracula. In Monasterio Toleiensi, depositio Sancti Vendelini Abbatis, qui cum esset Scotorum Regis filius, regno paterno posthabito, Christo, regi regi seruiens uitam suam regularibus disciplinis supposuit, & ob præclaras animi dotes Fratribus Abbas datus, miraculis clarus in pace quieuit. Gneznæ in Polonia, translatio Sancti Adalberti Episcopi & martyris, ex cœnobio Tremesniensi ad eam ciuitatem.

OCTOBRIS 20.

Sindulphi conf.] De quo Mart. Rom. cū Baronio. & Molanus in Add. ad Vsuarium hac die. Vitam eius composuit Alemannus Aluillartius Monachus, ut refert Sigebertus cap. 99. de uir. illustribus. Agit de eodem Tritemius de uir. ill. Ord. S. Ben. lib. 3. c. 46. Fuit discipulus S. Basili Abbatis Remensis, anno circiter Domini 600. aut paulo amplius.

Vendelini Abbatis] Siue Vuendelini; cuius meminit Molanus loco citato, & cal. germ. hac die. Vitam eius sub compendio describit Petrus Cretepolius de Episcopis Germaniæ, sed quo claruerit tempore nō refert. Probat tamen illud Franciscus Irenicus, lib. 11. germ. exegesis cum ait discipulum fuisse Sancti Pirminij Abbatis qui floruit anno 720. & Abbatem primum illius cœnobij. De eo egimus in tractatu de filiis Regum, ad Monachismum conuersis. Molanus confessorē fuisse narrat, & forsit an esset Sanctus Vandelinus Monachus Treuirensis Frater S. Arnulphi metropolitani Episcopi, de quo agit Franc. de Rosieres Tomo 3. stem. Loth. Hist. cap. 47. & Tritemius de uir. ill. Ord. S. Ben. lib. 3. c. 79. qui floruit anno 620.

Translatio S. Adalberti] Hac die factam refert Matthias de Mechovia rerū Polonicarū, lib. 2. c. 8. De eadem agit Martinus Cromerus de reb. Poloniæ, lib. 3. in Boleslao primo Rege. & Baronius ad nonū cal. Martij.

DVODECIMO CAL. NOVEMB.

Birce, Sancti Vuimonis Bremensis Episcopi, qui Gothis uerbis Dei prædicauit. Casini, depositio Sancti Gebizonis Monachi, miraculis clari. In agro Turonensi, Sancti Vulfi conuersi, conuersarii Sanctissimæ uiri. Eodē die in Sithiu, inuentio Sancti Audomari Episcopi Morinensis, & confessoris. In cœnobio Fontanella, Sancti Cadedi Monachi, cuius corpus ibidem magna cum deuotione ueneratur. Ipso die, Sancti Bertholdi Episcopi & martyris, Ordinis Cisterciensis, & Liunorum Apostoli.

OCTOBRIS 21.

Vimonis] De quo Molanus in Add. ad Vsuarium, hac die. Sigebertus

bertus Monachus Corbeiensis, ac S. Vmmonis discipulus, & in Gothia comes gemino stylo uitam eius descripsit, Metro, scilicet & Prosa: ut testatur Tritemius in chronico Hirsaugie. De eodem agunt Albertus Crantzius in Metrop. Saxon. lib. 3. c. 5. 6. & 16. Helmoldus in chron. Slauorum lib. 1. c. 6. & 8. Demochares de Sacrificiis Tomo 2. c. 38. a quibus Vmmon vocatur, & Tritemius de uir. ill. Ord. S. Ben. lib. 3. c. 216. & lib. 4. c. 95. a quo nunc Vmmon, aliquando uero Vimo appellatur, constituiturq; ab omnibus sextus Bremensis Archiepiscopus, ad quam sedem, ex Monasterio Corbeie Saxonie, in quo uitam Monasticam professus fuerat, ascendit, seditque annos 16. ac Birca totius Gothie & Suedie Metropoli ex hac uita migravit anno 936. ut recte, cum Crantzio, & alijs, annotat Albertus Abbas Stadenfis in chronico ad eum annum. Animaduertendus est lector quod quamuis Tritemius lib. 3. citato, Bremensem hunc episcopum in ordine Nonum constituat, & lib. 4. Sextum ei locum tribuat; in hoc tamen erroris non esse redarguendum, ibi enim de Episcopatu agit, quem nono loco administravit neres, si tres priores Uvillehadum scilicet, Vuillericum, & Lendericum, qui Bremensem ecclesiam sub Episcopi nomine gubernarunt ante quam illa sedes Archiepiscopalis fieret, connumerauimus: hic uero de Archiepiscopatu, cui sexto loco ab Anshario preestit.

Gebizonis Monachi] Huius uitam composuit Petrus Diaconus, quae extat in lib. de ortu & uita iustorum montis Casini. cap. 62. ex qua, hac die migrasse cognouimus.

Vulsi conuersi] Tabulae Benedictinorum, Surio referente qui eius uitam ex lib. 8. c. 15. Gregorij Tur. Hist. Franc. adfert, To. 5. & 7. huius natalem reponunt, hac item die fuit discipulus S. Aredij Abbatis.

Inuentio S. Audomari] De qua Molanus in Addit. ad Usuardum, hac die. Reliqua uide in eius natali die 9. Septembris.

Candedi monachi] Cuius natalem, hac die annotat Tritemius de uir. ill. Ord. S. Ben. lib. 3. c. 269. Sed tempus quo nixit reticet.

Bertholdi Episcopi] Ex quodam Calendario MS. huius natalem, hac die, annotant. De eodem, eiusque predicatione, & martyrio agunt Belforinus in cosmographia in Liunia descriptione; Crantzius metropolis lib. 7. c. 14. & Petrus Cratepolius de Episcopis Germanie. Caelus est ab infidelibus circa annum 1180. Fuit & alius eiusdem nominis Comes tempore Caroli magni Imp. qui uitam Monasticam duxisse fertur in monte Ezelio; deinde Eremiticam in opaco nemore in Heluetijs, apud Fontem, qui nostrae Domine uocatur, ubi demum a duob. latronibus interfectus est anno D. 863. ut refert Petrus Cratep. de Episcop. Germanie. Corpus eius in Monasterio Einsidelenfi sepultum, usque in hodiernum diem miraculis refulget.

VNDECI-

V NDECIMO CAL. NOVEMBRIS

IN urbe Gabalitana, Sancti Lupentii Abbatis Basilicæ Sancti Priuati, & martyris. Casini, Sancti Bertharii Abbatis, & martyris; Hic pericula Monasterio imminencia contemplatus, Monasterium superius muris, turribusq; firmissimis in modum castelli munivit: atq; oppidum ad crepidinem montis, circa Monasterium Domini saluatoris instituit, quod Sancti Benedicti ciuitatem uocauit. In quo monasterio à Saracenis, qui Garilianum tenebant, ad aram beati Martini, dum sacrificium & hostiam Deo offerret, factus est ipse hostia Christi, crudelissimè mactatus, cum aliis pluribus Monachis. Et hoc mirabile dictu, quod dum Saraceni totum Monasterium deuastantes incendere conarentur, ad probandam gloriosi martyris Bertharii merita præclara, & insigne ipsius martyrium, perficere minime potuerunt, nè gloriosi martyris corpus nondum humatum iniuriæ pateret.

OCTOBRI 22.

Lupentii Abbatis) De quo Molanus in Addit. ad Vsuarium, hac die. Eius res gestas prosequitur Gregorius Turon. in histor. Franc. libro 6. capit. 37. quas adfert Mosander in tomo 7. Suriij, hac item die. Occisa est iubente Brunichilde Regina, circa annum 580. paulo ante vel post.

Bertharii Abbatis) Tabule Casinenses de eodem agunt, hac die. Vita eius extat Casini MS. tali exordio, Tempore quo sacrum Imperium Res item eius gestas prosequuntur Leo Ostiensis in Chron. Casinens. lib. 1. à cap. 35. inclusiue, ad 48. exclusiue. Petrus Diaconus de Sanctis montis Casini, cap. 27. & in lib. de vir. ill. eiusdem cœnobij, cap. 12. Trutenius de vir. ill. ord. S. Bened. lib. 2. cap. 72. & lib. 3. cap. 321. & libro de Script. Eccles. & Carolus Sigonius de Regno Italia, lib. 5. fuit natione Gallus, ex regio stēmate, successitq; Bassacio Abbati, decimus nonus in ordine, an. 857. præfuit an. 27. mens. 7. Martyrio coronatus est an. Domini 884. Eius corpus iacet in sacello suo nomini sacro in dextera Ecclesię parte. Doctissimus cum esset multa opera posteritati reliquit, quorum indicem reperies in catalogo Abbatum Casinensium.

DECIMO CAL. NOVEMBRIS.

IN Pago Pietauiensi, S. Benedicti cōfessoris. In uilla Amania, super fluium Mosæ, natalis Sanctæ Odæ uiduæ, amitæ S. Huberti Episcopi. Elnone, restitutio corporis S. Amandi, Epi, & confessoris.

OCTOBRI 23.

Benedicti) De quo Mart. Rom. cum Baronio, Vsuarius, Maurolycus, & Felici, hac die.

Odæ

Odæ uidetur) De ea Molanus in *Addit. ad Vsuarium*, & in *indiculo sanctorum Belgii* latius, hac die. Agit de eadem Franciscus de Rosieres, *tom. 3. stemmatum Lotharingæ, historia capitali*, 47. fuit filia Gunzonis *Ducis Ducis & vxor Arnoldi, siue Anchisis, agnomento Buggisi, Austrasie Ducis, siue ut Molano placet, Childeberti Regis Franciæ, sororq; Dagoberti, & mater sanctorum Arnulphi Episcopi Metensis, Modoaldi, & Fereoli Episcoporum, Vandelini Monachi, ac sanctorum Afræ & Seueræ Abbatissarum. Vitam cœnobialem egit, viro defuncto, Amanij prope Hayum oppidum Leodiense, ubi quiescit in Ecclesia collegiata sui nominis. Floruit anno Domini 590.*

Relictio S. Amandi) De eadem Molanus in *Addit. ad Vsuarium*, hac die. Reliqua idæ in eius natali die 6. Februarij.

NONO CAL. NOVEMBRIS.

Verrano Monasterio, Sancti Martini Abbatis. In Campania Sancti Marci Monachi, & Solitarii, cuius præclara opera S. Gregorius scripsit. In Britannia minori transitus Sancti Maglorii Episcopi, & confessoris, cuius corpus honoratur & colitur in cœnobio Digni Maglorij, ciuitate Parisijs. In territorio Turonico, castro Lucas, Sancti Senoch Abbatis, & confessoris.

OCTOBRI 24.

Martini Abbatis) De quo Mart. Rom. cum Baronio: *Vsuarius, Galestinus, Maurolycus, & Felici*, hac die. Ado verò ad quintū idus Decembris. Baronius hunc agnoscit pro eo de quo loquitur Gregorius Turon. de glor. confess. c. 57.

Martini Monachi) De quo Mart. Rom. cum Baronio, hac die, agunt, & de eodem sub nomine Martini, Petrus in catalogo, lib. 9. c. 102. Galestinus, Maurolycus, & Felici, qui Imp. Iustini senioris temporibus floruisse scribunt, eumq; faciunt, cuius memoria est apud S. Gregorium, dialog. libr. 3. cap. 16. qui tamen à Baronio non Martinus sed Marcius, hac die vocatur, & rectè: loquitur enim Gregorius de Marcio, qui in monte Marfico vitam solitariam duxit; corrigendi igitur ueniunt præfati auctores Petrus, & alij, & loco nominis Martini in eorum libris Marcius reponendum. Eiusq; meminit Petrus Diaconus de SS. montis Casini, c. 4. sed sub Martini nomine, in quo emendandus uenit.

Maglorii Episcopi) De eodem Mart. Rom. cum Baronio; Molanus in *Addit. ad Vsuarium, Galestinus, Maurolycus, & Felici*, hac die. Eius uitā habet Surius ex MS. hac die. Agunt de eodē Vincentius in Speculo, lib. 21. cap. 121. Tritemius de uir. ill. ord. S. Bened. libr. 3. c. 50. & lib. 4. cap. 47. Demochares de sacrific. Missæ, Tom. 2. c. 23. Robertus Cœnalis de re Gallica,

lica, lib. 2. perioche 6. à quibus numeratur secundus Dolensis Episcopus, & Monacho, & Abbate Dolense ad eam sedem gubernandam assumptus circa annum Domini 612. Sigebertus in Chronico agit de eodem ad annum 566. & Petrus in Catalogo, lib. 9. cap. 103. à quo Maior vocatur quo nomine decepti Maurolycus, & Felici duos diuersos, pro uno, confiterunt, arbitrati ex nominum Maiorij, & Maglorij, varietate, personas ipsas fuisse uarias.

Senoch Abbatis) De quo Molanus in Addit. ad Vsuarium, hac die Maurolycus item, & Felici, sed sub Enoch nomine. Gregorius Turon. de gloria confess. c. 25. & de uita patrum, cap. 15. eius uitam describit, quam adfert Surius, Tom. 5. hac die. Fuit Abbas Turonensis territorij, ut refert Tritemius de uir. illust. ord. S. Bened. lib. 3. cap. 34. vixitq. anno 580. & anno etatis 40. diem obiit.

OCTAVO CAL. NOVEMBRIS.

Bituriga, Ambliaco Monasterio, Sancti Dulcardi confessoris. Eodem die Sanctæ Hildemarchæ Abbatis, miraculis claræ. Item, Translatio secunda reliquiarum Sancti Othmari Abbatis, facta anno octingentesimo sexagesimo quarto, à Salomone Constantiensi Episcopo. In Monasterio Hirsaugiensi, depositio Sancti Ruthardi Monachi, sanctitate conspicui.

OCTOBRIS 25.

Dulcardi) De quo Molanus in Addit. ad Vsuarium, hac die eorum tumen res geste me latent.

Hildemarchæ Abbatis) Hac die obiisse, refert auctor uita S. Vindregisili Abbatis apud Surium, Tomo 4. die 22. Iulij: ubi eius uita summam describitur.

Translatio Secunda) Vualafrius Abbas in uita S. Othmari Abbatis, cap. 5. apud Surium, Tom. 6. die 16. Novembris, hac die restat sceleratam, eodem quo taxauimus anno.

Ruthardi Monachi) Huius natalis, hac die reponitur à Tritemio in Chronico Hirsaugie; eumq. obiisse asserit anno 865.

SEPTIMO CAL. NOVEMBRIS.

Frislarij, Sancti Aluini Episcopi, & confessoris, qui multos rebo. & exemplo, populos, ad Christi adduxit ouile. Traiecti, ordinatio Episcopatus Sancti Amandi: & Elnoye ex nobilio, translatio corporis ipsius ab Ecclesia Sancti Petri & Pauli, in Basilicam Sancti Stephani prothomartyris, agente beato Eligio Pontifice, atque Dedicatio eiusdem Basilicæ. Laubijs, eleuatio Sancti Emmerani Episcopi.

OCTO

OCTOBRIIS 26.

Albuini Episcopi) Cuius natalem, hac die, annotat Tritemius de vir. illor. S. Bened. lib. 3. cap. 267. agit & de eo, lib. 4. capit. 190. Fuit ex Monacho Huensis insule, primus Frislarie Episcopus in opido Burbach; qui Episcopatus iam dudum esse desit. Vocatur ab eodem Tritemio Apostolus Thuringorum.

Ordinatio, Translatio, Dedicatio, S. Amandi: & Eleuatio S. Ermini) De his omnibus Molanus in Additionibus ad Usuardum, hac die: in quorum nataliis, eorum res gestas sumus latius prosequuti.

SEXTO CALEN. NOVEMBRIS.

Elnone, commemoratio ordinationis Sancti Amandi Episcopi, que licet die precedenti, sicut & translatio corporis, & ecclesie dedicatio facta fuisse credatur, tamen hac die specialius recolitur. Eodem die Marcanis, eleuatio corporum, Sanctarum Eusebie uirginis, & Gertrudis Abbatissarum. In Blandinio, aduentus corporis Sanctissime virginis Christi Amalbergæ. In Monasterio Hydruntino, obitus beati Vuerdini Abbatis, prophetie spiritu clari.

OCTOBRIIS 27.

Commemoratio ordinationis) De qua Molanus in Additio. ad Usuardum, hac die. Eleuatio Eusebie) De eadem Molanus ibidem, hac die, quam tamẽ in indiculo SS. Belgij, factam ait die 4. cal. Decembris.

Gertrudis) Eius meminit idem Molanus ibidem; & in indiculo Sanctorum Belgij, hac item die. Natalis incidit in diem sextum Decembris, de qua tunc agemus.

Aduentus corporis S. Amalbergæ) De quo Molanus, ibidem, hac die. Facta est autem huiusmodi translatio, à Raymelino Tornacensi Episcopo, ex Tempore canobio, ad ciuitatem Gandauensem, procurante Baldino Ferro, Flandrie Comite, anno 870. vt annotat Meyerus, libro secundo Annal. Flandrie.

Vuerdini Abbatis) Sive vt alij legunt Tubertini, cuius obitus notatur hac die in Prophetia sua, in eius sepulchro reperta, quam recitat D. M. Jan Juius, Doctomensis Frisus in mercurio suo Gallobelgico, an. 1594. Coloniensis excuso, libro 6. Que fuerit hæc eius prophetia, & qua occasione inuenta ex sequenti R. P. Pauli Cofentini Abbatis Epistola ad Principem Bisignanensem scripta clare cognoscetur.

Copia d'una lettera dell'Abbate P. Paulo di Cosenza

al Principe di Bisignano.

Visitando io la mia Abbatia, come V. E. sà, posta sopra quell'ame-
no colle, mi uenne vn desiderio grande, di far accomodar,

& abbellir la Chiesa d'essa Abbazia, se bē le site antichità me nē dis-
suadeuano, poiche è tenuta per esse la più antica Chiesa della Dio-
cese di Cosenza, & doppo molti pensieri contrarij, mi sono finalme-
te risoluto di farla accommodar, massime, che minacciaua ruina ver-
so il Cimiterio, uicino alla Cappella di S. Marco, ma questo non è
stato mio pensiero, ma prouidenza Diuina, poiche s'è scoperta una
cosa mirabile, come V. E. intenderà; Cauando li muratori nel Ci-
miterio, per fondare un barbacane, come dicono, trouorono, da una
braccia sotto terra, una sepoltura latericia, fabricata artificiosamen-
te, che mostraua d'esser antichissima, subito il capo maestro uenue
à ritrouarmi, e dirmi questo fatto, desiderando hauer ordine da me
di quanto douea fare: era meco allhora il Sig. Pietro Antonio Ga-
dino, il qual subito leuato in piedi m'inuitò per ueder questo sepol-
chro d'andar al Cimiterio, andammo di compagnia col segretario
mio, & il Capellano mio, & un cameriere; & facemmo chiamar D.
Angelo, Vicario de' Monaci ch'officiano in questa Chiesa: lui fece-
mo cauare nel Cimiterio il terreno in cerchio al detto sepolchro in
modo che restò tutto scoperto, era, come s'è detto, latericio, fabri-
cato sopra quattro base pure latericie, & era longo diciotto palmi,
alto & largo otto, con alcuni ornamenti di marmo profilato; il co-
perchio era accommodato in uolta; cercammoui un pezzo se ui ap-
pariuano alcune lettere, ma non se ne uidde mai alcuna, erano però
nelle base alcuni quadri, ne quali erano scolpite le Croci, & i Mitre-
ri della Passione, & in una apparuua un bastone pastorale, ma non li
discerneuano niente, ò poco, si che giudicassimo, che ui fusse stato
sepolto qualche Vescouo. Io feci aprire, ma modestamente, & ap-
erto s'inuitò un poco di poluere, uedessimo, che iui era sepolto un co-
dauero disatto, cioè, senza carne, ma ui eran l'osse intiere con i co-
pelli, & peli della barba canuta, & longa, era l'ossa delle mani hauea
una lamina d'argento, nellaquale erano scolpire l'infrastrate parole
latine.

*Cum Sancta Cuius fulgebit splendore Stella Soliterum me videtur,
Hoc est corpus Abbatis Ouerdini Hidruntini sepulti, 6. Kal. N. Gen. anno
1279. (aliq. 778.) à Virgineo partu.*

Sotto la testa hauea una casetta di marmo longa due palmi, la qua-
le fu aperta, & in essa non si trouò altro che un canone di piombo
longo un palmo, con il suo coperchio, qual fu leuato, & in esso era
una carta pergamina, piegata in giro, & senza una minima macula
fu cauata fuori, & fu spiegata, si trouò parimente scritto con leu-
re la-

hæ latine, & tale era la scrittura.

Ego Abbas Verdinus, Hydruntinus, cum ab Angelo meo custode ad-
monitus essem, tēpus resolutionis meæ instare, quæ mihi prius reuelata fue-
rant ventura in apertione sexti sigilli ista in hac membrana scripsi, & in
ista capsula marmorea seruauī, mandans in virtute sanctæ obedientiæ Ia-
cobo Hydruntino, & Mauro Panormitano discipulis charissimis, ut ip-
sam in hoc sepulchro, vnâ cum cadauere meo deponerent. hæc sunt verba
prophetiæ huius: Cum in fide Petri fulgebit stella coruscans præter homi-
num expectationem electa, in maxima electorum controuersia, cuius splen-
dor vniuersam ecclesiam irradiabit, sepulchrum cadaueris mei aperietur.
Hic bonus pastor custoditus ab angelis multa reedificabit, quia conscien-
tia eius in manu Dei erit. Eius vigilantia, & sollicitudine eleuabuntur al-
taria, & Ecclesia discooperta, cooperientur. Tunc graciosus iuuenis de po-
steritate Pipini veniet peregrinè, ad videndum huius pastoris claritatem, qui
pastor mirifice collocabit hunc iuuenem in Gallicana sede hætenus uacan-
te, eiꝰ imponet Diadema Regni ipsiꝰq; in adiutorium regni uocabit. Non
post multos annos stella cadet, eritq; luctus ingens, nam cum eo tunc tem-
poris sepelietur Occidentalis Aquila septuagenaria, relicto pullo sub primo-
nem custodia: unde omnia ruent in peius. Fera pessima cum cauda ama-
rissimo ueneno plena in suum intrabit cubiculum in tantumque maxi-
ma serpentum quantitas multiplicabitur, ita quod in dies per uniuersa cu-
bicula clericorum transibunt, & dignitates Sacerdotales in maxima san-
guinis effusione peruenient, eruntq; angustia, & fames per uniuersa mundi
loca, in tantum, quod maior pars gentium mortem clamabit. In diebus il-
lis multe solemnes ciuitates peribunt. per direptiones tam internorum, quàm
externorum, potissime in Italia, tam in Regno Neapolitano, quàm Ethru-
ria: timēda, tremendaq; sunt quantū credi posset: Hydruntina patria mea
iterum à Dracone Mahometano uastabitur. Roma singulariter concutie-
tur. Florentia quoque imminuetur, tunc expectans formidandam uindi-
ctam sub Duce suo & nidus philosophorum Bononia æqualiter euacuabi-
tur, Lombardia tota funditus conteretur, & terra Mediolani, & Genua
iamiam hostium tribulationes incurrant. Sic mihi ostendit Dominus.
Tunc cum lignis futuris Venetias polluent, & hic non spectantibus præ-
lium intentabunt. Totum Regnum Siciliæ peribit. Deus propitijs sit ser-
uis suis, multa Monasteria funditus corruent ob uenenum Aquilæ Septē-
trionalis, maximus sanguis effundetur, ob duas pugnas Gallorum, & Ba-
rbarorum. Vinam auertat Deus iram suam.

QVINTO CAL. NOVEMBRIS.

Civitate Meldis, Sancti Faronis, Episcopi & confessoris, qui illustri genere natus, sexaginta sex annis Ecclesie Meldensi pre-fuit, & sanctitate clarus migravit in cœlum. Faniæ, depositio Sancti Dodonis Abbatis, discipuli S. Vrsuarii Episcopi. Marcianis, translatio S. Eusebiæ uirginis & Abbatissæ.

OCTOBRIS 28.

Faronis Episcopi) Alias Pharonis; De quo Mart. Rom. cum Baronius, Vsuarius, Galestinus, Mauroly. & Felici; hac die. Vita eius ex MS. adfertur à Swio, tom. 5. Fulcuinus Scholasticus Meldensis, eandem camine composuit, quæ, ut refert Molanus extat MS. Gemblaci. De eodem agunt Vincentius in Speculo, lib. 23. cap. 17. 18. & 19. Petrus in catalogo, lib. 9. cap. 117. Trittemius de uir. ill. ord. S. Bened. libr. 3. cap. 74. & lib. 4. cap. 139. & Demochares de sacrificio. Misse, to. 2. cap. 19. à quo nomen-tur uicesimus Meldensis Episcopus, creatus anno 620. ex Monacho Luxouien-si. Fratres ei fuerunt Sancti Charnoaldus Landensis, & Vualbertus Meldensis, Episcopi, Monachi, & ipsi Luxouenses, S. Pharaïra, Abbatissa Brigenfis, eius soror fuit; patre Hagnerico, Burgundie Princeps, & Leodegunda matre nati.

Dodonis Abbatis) De eodem Molanus in Additio. ad Vsuarium, & in indiculo Sanctorum Belgij, hac die. Trittemius uerò de uir. ill. ord. S. Bened. libro 3. cap. 268. sequenti. Ex Monacho Lobiesi factus est Abbas Puff-lariensis, circa annum Domini 730. Quiescit Faniæ, oppido Hamouini, non longe à Malbodio Monasterio.

Translatio S. Eusebiæ) Cuius meminit Molanus in indiculo SS. Belgij, & hac die factam asserit.

QVARTO CALEN. NOVEMBRIS.

IN Gallia, ciuitate Vienna, depositio Sancti, ac beatissimi Theodarij, Abbatis & cōfessoris: & translatio ipsius in loco Vallis Ripianæ. Villa Meldricis, Sæctæ Ermelindis uirginis, quæ præclaris parentibus nata, uirginitatem suam duodennis Deo deuouit, atque in-crauit: & in insula Meldrice in Brabantia, animam suam ei reddidit sanctificatam castitate uirginali, obedientia regulari, mira abstinentia, & eremitica uita. In Monasterio Spanheimensi natalis Sanctæ Margaritæ Priorissæ, sororis Sanctæ Idæ Comitissæ Spanheimensis, & sanctimonialis Bingenfis.

OCTOBRIS 29.

Theodarii Abbatis) De eodem Mart. Rom. cum Baronio, qui Theodorum legit; Ado, Molanus in Addit. ad Vsuarium, & Galestinus

hac die. Eius translationem, hac eadem die factam esse auctor est Ado in Martyrologio. Tempus quo floruerit hactenus mihi incognitum.

Villa Meldricis) Est in Brabantia & Hugardie adiacet, vulgo Meldert dicta.

Ermelindis uirginis) De qua Molanus in Addit. ad Vsuarium, & in indiculo SS. Belgij, hac die. Vixit circa annum Domini 600. Eius corpus miraculorum gloria clarum, 48. annis post mortem, de terra eleuatum est procurante Duce Pipino, patre Sancta Gertrudis Abbatisse. Huius uita ex antiquis codicibus adfert Surius, to. 5. hac item die, & to. 7. Mosander.

Margaritæ Priorissæ) Huius natalem, hac die, reponit Tritemius in chronico Hirsaugie, sub Henrico Abbate. Fuit monialis Sancti Ruperti Biogenfis, anno circiter 1190. Eandem reponit Bugianus in Hist. Monastica, pridie huius diei, sed fallitur.

TERTIO CALEND. NOVEMBRIS.

Canuariæ, in Anglia, depositio S. Aegelnorhi Archiepiscopi, & confessoris, qui post multa uirtutum insignia demonstrata, scientia, & sanctitate gloriosus migravit in cælum.

OCTOBRIS 30.

Aegelnorhi Archiepiscopi) Sic Matthæus Vuestmonasteriensis, qui in floribus historiæ ad annum 1038. eius depositionem, hac die annotat: alij uero ut Tritemius de uir. illust. ord. S. Bened. lib. 3. c. 247. & Polydorus lib. 7. in fine, & lib. 8. in principio Egelnothum, Achelnothum, siue Arhelnothum, legunt. Fuit primum Monachus in Anglia, sed cuius canonij Tritemius non aperit, qui huius rei auctor est; deinde Archiepiscopus Cantuariensis 30. Obijt ut Matthæo placet, anno 1038. siue 1040. ut uult Polydorus, dicit enim eodẽ anno obiisse, quo Haraldus Rex

PRIDIE CAL. NOVEMBRIS.

Atisponæ, depositio Sancti Vuolfgangi Episcopi, & confessoris miraculis clari. Fossis, natalis S. Foillani Episcopi, qui de Hibernia uenit ad Vltimum germanum suum, qui Foissenfse regebat monasterium. Et in saltu, qui rustica lingua Carbonarias nuncupatur, martyrizatus est. Cuius uita, uirtutibus gloriosis, & miraculis copiosissimis, illustratur. Coloniae, Sanctæ Noiburgis uirginis & Simonialis, quæ translata quiescit prope Confluentiam, in monte Sancti Beati.

OCTOBRIS 31.

Volfgangi Episcopi) De eodem. Mart. Rom. cum Baronio; Ado, Molanus in Addit. ad Vsuarium Galefinus, Manrolycus, & Felix hac die. Eius uitam adfert Surius ex MS. tomo 3. Aliam asserit se nisse Baronius in annotat. ad hunc diem. Agunt de eodem, Tritemius

de uir. ill. ord. S. Ben. lib. 3. c. 229. & lib. 4. cap. 223. & Petrus Crate-
lius de episcopis Germania. Fuit monachus primum Augiensis ut eius na-
rat uita; siue ut Tritemio placet Treuirensis; deinde Ratissponensis Epi-
scopus, obiitque, ut ait Baron. ann. Domini 999. assignatur tamen a Lau-
berro & Cratepolio annus 994. Vuolfgangus Germanicè, Latine interpre-
tatur Lupambulus; unde uersus,

Struxerat ædiculam Mandrita Lupambulus istam.

Foillani episcopi.] De quo Molanus loco citato, & alijs, hac die. Res-
sionem eius primus scripsit Hillinus quidam metricè. item & gesta mira-
culorum eius, quæ habentur ad S. Foillanum extra Rhodium. Eadem po-
stea conuersa est in Prosam à quodam Anonymo. Agunt de eodem Vi-
centius in Speculo lib. 22. cap. 10. Beda lib. 3. cap. 19. de gest. Angl. Pe-
trus in catalogo lib. 8. cap. 126. in tractatu de Forseo Fratre eius. Tritem-
ius de uir. ill. ord. S. Bened. lib. 3. cap. 89. & postremo Molanus in uita
SS. Belgij. Pater eius Philtanus Hiberniæ Rex, Fratres Sæcti Fursus &
Vltanus; quibus cum Monasterium Caobersberg in Angliâ ingreßus, ibi
dem Abbas effectus & ad prædicandum euangelium Episcopus constitutus,
à S. Martino Romano Pontifice, tandem martyrio coronatus est cū tribus
scipulis circa an. 660. Vocatur à nonnullis Foillanus; ab alijs Foillanus, à
busdā Follarius, & ab alijs aliter, prout litteræ in impressione immutatur.

Noitburgis uirginis.] De ea Molanus in adu. ad Psuadū, hac die.
Eius uitam habet Surius Tomo 5. De eadem agunt Tritemius de uir. ill.
ord. S. Bened. lib. 3. cap. 266. & Petrus Cratepolius de episcopis Germania.
Fuit filia Pipini Brabantie Ducis, & Plethrudis, sanctimonialisque Adela-
sterij Capitolini Colonia; quod iam dudum ab ordine desecuit: Floruit an. 700.

NOVEMBER.

CALENDIS NOVEMBRIS.



Est unitas Omnium Sanctorum, quam in honorem beate De-
genitricis uirg. Mariæ, & Sanctorum martyrum Bonifacii
Papa quartus, & Monachus, dedicatio templo Pantheon
lebre & generale instituit agi quotannis in Vrbe Roma. Sed & Go-
rius, item quartus & Monachus, postmodum decreuit, eandem festi-
uitate, quæ uariis modis, iam in diuersis ecclesijs celebrabatur, in ho-
nore Omnium Sanctorum, solemniter hac die ab uniuersa Ecclesia
perpetuo obseruari. Ciuitate Baiocas, Sancti Vigoris Episcopi &
confessoris tempore Childeberti Fracorum Regis, qui Sanctus
prædictus ab Angelo, priusquam nasceretur in mundo. In Bla-
dino; depositio Sanctissimi Patris Florberti, primi Abbatis cœnobij
Blad-